

2010 Oototoga mo le Taimi o Fetufaaiga

# Ua Ou Iloa o Loo Soifua Lo'u Faaola

*“Aua ua ou iloa, o loo soifua le na te togiolaina au, o aso amuli foi e tulai mai ai o ia i luga o le eleele”*

*(Iopu 19:25).*





# Faatonuga mo le Taimi o Fetufaaiga ma le Polokalama a Tamaiti i le Sauniga Faamanatuga

## Susuga i Au Peresitene o Peraimeri ma Taitai Musika,

O le tausaga lenei ua outou maua ai le avanoa e fesoasoani ai i tamaiti ia latou lagona ma malamalama i le tele o le alofa o lo tatou Faaola, o Iesu Keriso, mo i latou. E ala atu i le molimau a le Agaga Paia, o le a aoao ai e tamaiti, ona o le matafaioi tutotonu a Iesu Keriso i le fuafuaga a lo tatou Tama Faalelagi, o lea e mafai ai ona latou faatuatua ia te Ia. O le a aoao foi e tamaiti o le a tuputupu ae malosi o latou faatuatua pe a latou tausia poloaiga, auaua atu, fetufaa ai le talalelei, mulimuli i faataitaiga a le Faaola, ma saunia mo Lona Afio Mai Faalua.

Faafetai tele atu ona o la outou tautinoga faamaoni. Matou te tatalo mo outou, ma ua matou talitonu e mafai ona outou alolofa i tamaiti ma aoao i latou i le talalelei a Iesu Keriso ma fesoasoani ia latou ola e tusa ai ma ona mataupu faavae.

O Le Au Peresitene Aoao o le Peraimeri

**Motugaafa:** *O le valaaulia o tamaiti e aoao mai tusitusiga paia o le a fesoasoani latou te atina ae ai se fiafia i le afioga a le Atua, i o latou olaga atoa. Ia fuafua i vaiaso taitasi ni auala e valaaulia ai tamaiti e faaoga ma aoao mai a latou tusitusiga paia. O nisi tamaiti atonu e leai ni tusitusiga paia. O isi tamaiti atonu e le'i iloa faitautusi. O gaoioiga e aoao ai o loo i lenei ototoga ma motugaafa faafaiaoga o loo i itulau 7, 12, ma le 18 o le a tuuina atu ai ni manatu i auala e aoao atu ai, e faaoga ai tusitusiga paia.*

## Faatonuga mo le Taimi o Fetufaaiga

### Aoaga o le Talalelei

Faaaoga le tamaitusi lenei a o e sauni e aoao atu se lesona e 15-minute i vaiaso taitasi i le taimi o le fetufaaiga. E mafai ona e faaopoopoina atu isi tusi ma mea e faaoga ua faamaonia e le Ekalesia i lesona faalevaiaso, e pei o le *Friend* po o le *Liahona*. O le a fesoasoani taiala o loo i lalo i le fuafuaina ma le tuuina atu o lesona.

*Alofa Ia i Latou E te Aoaoina.* Faaali atu lou alofa i tamaiti e ala i le iloa o o latou igoa ma ia nofouta i mea latou te fiafia i ai, taleni, ma manaoga.

*Aoao atu le Aoaga Faavae e ala i le Agaga.* A o tapena au lesona, ia e tatalo mo le taitaiga ma ia taumafai e faamalosi lau molimau i mataupu faavae o le a e aoaoina atu. O le a fesoasoani lea e te aoao atu ai i le Agaga.

*Ia Valaaulia le Aoaoina ma le Filiga.* O le tamaitusi lenei ua fuafuaina e fesoasoani e te silafia ai e le gata *i mea* e tatau ona aoao atu ae faapea foi *i auala* e aoao atu ai ma valaaulia ai le aoaoina ma le filiga. O le a sili atu le lelei o lou aoao atu o aoaga faavae a o e faia mea nei e tolu i lesona uma lava:

1. **Faailoa atu le aoaga faavae.** Faailoa atu ma le manino le aoaga faavae o le a aoaoina e tamaiti. Mafaufau i ni auala e fai ai i le faamatala atu ma mea e vaaia. (Mo ni faataitaiga, tagai i lesona mo le vaiaso muamua o Mati, ma le vaiaso muamua o Iulai.)

2. **Uunaia le [agaga] malamalama.** Ia mau-tinoia ia maua e tamaiti se malamalamaaga loloto atu o aoaga faavae e ala i ni metotia eseese faafaiaoga latou te punouai ai i le aoaga, e pei o le usuina o pese, tala faatino, ma le faitauina o mau.

3. **Uunaia le faaogaaga.** Tuu atu i tamaiti ni avanoa e faaoga ai le aoaga faavae i o latou olaga. Ia mafaufau i auala e mafai ona latou faaalua ai o latou lagona e uiga i le aoaga faavae, pe faatu foi se sini e faatatau i ai.

O loo tuuina atu i le tamaitusi lenei ia lesona atoa lava mo nisi o vaiaso o le tausaga. O loo aofia ai foi manatu, ae le o lesona atoa mo isi vaiaso. Ia faaopoopo atu na manatu i ni ou lava manatu. E mafai ona e maua mai ni manatu i le faitauina o isi lesona o loo i lenei tamaitusi. A oo i Aso Sa lona lima, faaoga le taimi lea e toe faamanatu ai lesona ua maea. O le Agaga e mafai ona taialaina oe a o e fuafuaina ma saunia gaoioiga mo lesona.

Ia galulue faatasi ma le taitai musika a o tapena au lesona. O le usuina o pese o le a atili faamafaina ai aoaga faavae e te aoaoina atu. O nisi taimi e mafai ai ona e valaaulia ni faiaoga ma a latou vasega e fesoasoani atu ia te oe i vaega o aoaga o le talalelei.

O nisi lesona o loo fautuaina ai e valaaulia ni failauga faapitoa e auai atu i le Peraimeri. E tatau ona maua mai se faatagaga a lou epikopo po o le peresitene o le paranesi ae e te lei valaauliaina nei tagata e auai.

O loo i ai faatasi ma lesona ia nai motugaafa faafaiaoga o le a fesoasoani ia te oe e faaleleia atili ai ou tomaiti o le aoao atu. O loo aofia ai foi i lesona ia ata o le a fesoasoani e te iloa ai foliga o se gaoioiga. E ui lava e taua le atiina ae o tomaiti faafaiaoga, ae o au lava sauniuniga faaleagaga ma lau molimau, o le a valaaulia ai le Agaga e faamautuina nei aoaoga faavae i loto o tamaiti.

## Taimi o Pesepesega

O musika i le Peraimeri e tatau ona maua ai se siosiomaga faaloalo, aoao ai le talalelei, ma fesoasoani ai i tamaiti ia latou lagonaina

le aafiaga a le Agaga Paia ma le olioli lea e oo mai i pesepesega. E tatau ona e faaluina le 20 minute e aoao atu ai musika i le taimi o fetufaaiga. O le a mautinoa ai e lava le taimi e aoao ai se musika fou ma fesoasoani ai i tamaiti ia fiafia i pesepesega.

O loo i ai foi i le tamaitusi lenei se pese fou mo tamaiti e aoaoina i le tausaga lenei (tagai i itulau 28–29). O loo i ai foi se vaega ua faaautuina “Auala e Faaoga ai Musika i le Peraimeri” (tagai i itulau 26–27) ma manatu faaopoopo mo le aoaoina atu o pese i tamaiti (tagai i itulau 3, 5, 9, ma le 15).



## Taiala mo le Polokalama o le Sauniga Faamanatuga

I lalo o le taitaiga a le epikopo po o le peresitene o le paranesi, o le polokalama a tamaiti i le sauniga faamanatuga e faia i le vaitaimi o le kuata lona fa o le tausaga. Ia vave fonu i le amataga o le tausaga ma le fesoasoani o le au epikopo po o le au peresitene o le paranesi o loo vaaia le Peraimeri e talanoaina ni fuafuaga faataitai. Ia maua mai lana faamaoniga pe a maea ia fuafuaga.

Ia fuafua ina ia tuuina atu e tamaiti le polokalama e faatatau i autu o taimi o fetufaaiga o masina taitasi. A o faagasolo le tausaga, ia teu ni faamatalaga o tautalaga ma aafiaga patino o tamaiti e ono

mafai ona faaoga i le polokalama. A o e fuafua ina e faasoa atu e tamaiti mea na latou aoaoina e uiga i le autu o lenei tausaga, mafaufau i ni auala e mafai ona latou fesoasoani ai i le potopotoga ia taulai atu i aoaoga faavae o le talalelei o loo latou aoaoina atu.

A o e saunia le polokalama, ia manatua taiala nei:

- O faataitiga e le tatau ona tele se taimi e o ese ai mai vasega po o aiga.
- O mea faitino, teuga, ma aoaoga e faia i ala o faasalalauga e le talafeagai mo le sauniga faamanatuga.



## Polokalama i le Sauniga Faamanatuga

*E le manaomia le tuu atu i tamaiti taitoatasi o se vaega ua tusiaina e fai. O polokalama faamanuiaina e aafia ai tamaiti i ni auala eseese.*

**Motugaafa:** *E mafai ona e maua punaoa faaopoopo mo le aoao atu e pei o itulau e vali-vali, tala, ma gaoioiga i le Friend ma le Liahona. Faaoga nei punaoa e faaopoopo atu i au lesona.*

## Punaoa o loo Faaogaina i Lenei Tamaitusi

O faapuupuuga nei o loo faaogaina i le tamaitusi atoa:

TT *Tusipese a Tamaiti*

AAIVSA *O Le Aoao Atu, E Leai Se Isi Valaauga E Sili Ai*

O le tele o lesona o loo aofia ai fautuaga mo le faaogaina o ata. E mafai ona e maua ata i le *Tusi Ata o le Talalelei*, o le Pusa Ata o le Talalelei, taga ata o tusi lesona a le Peraimeri, ma mekasini a le Ekalesia ma le initoneti i le [images.lds.org](http://images.lds.org).

## Mataupu Aooina mo le 2010

### Mataupu Aooina Lautele

Vasega Pepe: *Vaai Ia I O Outou Tamaiti*;  
Aveolela: *Peraimeri 1*; FMT 4–7: *Peraimeri 2*;  
Valiana 8–11: *Peraimeri 6*

### Mataupu Aooina Faavae

Aveolela: *Peraimeri 1*; FMT 4–7: *Peraimeri 2*;  
Valiana 8–11: *Peraimeri 4*

# Matou te Talitonu i le Atua le Tama Faavavau ma Lona Alo o Iesu Keriso

**Pese: “Ou Te Iloa E Alofa Lo’u Faaola Ia Te A’u”**

(itulau 28–29 o le oototoga lenei po o le *Friend, Oke.* 2002, 46–47)

**Motugaafa:** *Tatalo mo le taitaiga ma saili le uunaiga a le Agaga a o e sauni mo au taimi o fetu-faaiga. A o e sauni ma aoao atu i le Agaga, o le a Ia faamautu atu le moni o mea e te aoaoina atu.*

**Motugaafa:** *Fuafua ni auala e faailoa ai le aoaoga faavae mo tamaiti ma fesoasoani ia latou malamalama i ai ma faa-aoga i o latou olaga. Mafaufau i auala e mafai ona e tuuina atu ai i tamaiti ni avanoa e:*

- *Talanoa ai i le aoaoga faavae.*
- *Faitau ai mau e faata-tau i le aoaoga faavae.*
- *Vaai faalemafau fau ai i le aoaoga faavae.*
- *Usu ai ni pese e faata-tau i le aoaoga faavae.*
- *Fai se gaioiga faatino e faata-tau i le aoaoga faavae.*

*“Matou te talitonu i le Atua, le Tama Faavavau, ma Lona Alo o Iesu Keriso, ma le Agaga Paia” (Mataupu Faavae o le Faatuatua 1:1).*

*la faaopoopo ni ou manatu i manatu ua tuuina atu iinei. Ia fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faa-aoga i o latou olaga. Fesili ifo ia te oe lava, “O le a se mea e fai e tamaiti e aoao ai, ma e mafai faapefea ona ou fesoasoani ia latou lagonaina le Agaga?”*

## Vaiaso 1: O le Atua o le Tama o lo’u agaga.

**Faailoa atu le aoaoga faavae (i le vaai o se lesona faitino):** Faaali atu i tamaiti ni nai totinilima eseese, ma faailoa atu o nei totinilima e foliga eseese, e pei lava ona eseese o o tatou foliga. Ia faamatala atu e le afaina pe eseese o tatou foliga, ae ua tofua i tatou ma se agaga i totonu o o tatou tino, ma o o tatou agaga e au-maia ia i tatou le ola. Ina ia faamalamalama atu lenei mea, faamaulu se totinilima ma faaminomi-noi ou tamatamailima. Ia faamatala atu o le totinilima e pei o lo tatou tino ae o le lima e pei o lo tatou agaga. Fai atu i tamaiti e faalogologo mo le tali i le fesili “O ai le Tama o lo’u agaga?” a o e faitauina fuaiupu muamua e lua o le Malaki 2:10. Tusi i luga o le laupapa “O le Atua o le Tama lea o lo’u agaga.” Fai i tamaiti tou te faitauina faatasi. Ia faamalamalama atu o i tatou uma lava o se vaega o se aiga toatele e tasi—o le aiga o le Atua.

**Uunaia le [agaga] malamalama (usuina se pese):** Ia faaali atu se ata o se aiga ma faamatala atu, ina ua auina mai i tatou e le Tama Faalelagi i le lalolagi, na Ia auina mai i tatou ina ia tatou nonofo i ni aiga. Fai i tamaiti e tuu i luga o latou tamatamailima e faaali ai pe toa-fia tagata o loo i totonu o o latou aiga. Tau atu i tamaiti o le a latou

usuina se pese o loo aoao mai ai e uiga i o latou aiga faalelagi ma o latou aiga faalelalolagi. Fai i se tamaiti e aluese mai le potu, ae tuu atu i isi tamaiti e filifili se nofoaga e nana ai se ata o se aiga. Fai i le tamaiti e toe sau ma sue le ata o le aiga a o usu e tamaiti le pese “O Au o se Atalii o le Atua” (*TT*, 2–3). A mamao ese le tamaiti mai le ata, ona faanonofu pea lea o tamaiti; ae a latalata atu i le ata, ona tutu malie ae lea o tamaiti. Ia toe fai ma nisi tamaiti pe a lava le taimi. Ia talanoa i le savali o le pese ma moli-mau atu i le taua o aiga.

**Uunaia le faaogaina (tilotilo i se faata):** Tuu atu i tamaiti taitoatasi e auuauai ona tilotilo i se faata. Tau atu ia i latou, o taimi uma lava latou te tilotilo ai i se faata, e tatau ona latou mana-tua o loo latou vaai atu i se atalii/afafine o le Atua.

## Vaiaso 2: O

### Lesona Faatino

*“O lesona faatino e faatatau ai mataupu maaleale i ni mea faitino e masani ai” (AALVSA, 172).  
O le lesona faatino lenei o le a fesoasoani ai i tamaiti e malamalama i le natura o o latou agaga e faatatau lea i o latou tino faaletino.*



## Iesu Keriso o le Alo o le Atua.

**Uunaia le [agaga] malamalama (faitauina o tusitusiga paia):** Faapipii ata e tolu i luga o le laupapa: Ioane o loo Papatisoina Iesu, o Keriso o loo Faaali atu i sa Nifae, ma le O Le Uluai Faaaliga. Vaevae tamaiti i ni vaega se tolu, tuu atu i vaega taitasi ia se tasi o mau nei: Mataio 3:16–17; 3 Nifae 11:6–8; Iosefa Samita—Talafaasolopito 2:17. Tuu atu ia i latou



e talanoaina le mau i a latou vaega ona lipoti atu lea i isi tamaiti uma (1) le mea na tupu, (2) le fetalaiga a le Tama Faalelagi, ma (3) ni o latou lagona pe ana latou i ai iina. Fai i se tamaitiiti e faitau le Ioane 5:39. Faamatala atu e mafai ona tatou maua se molimau o Iesu Keriso o le Alo o le Atua pe a tatou faitau i tusitusiga paia ma tatalo.



**Motugaafa:** *Na sau-noa Elder Dallin H. Oaks, “E tatau ona tatou faaao-gaina soo a tatou viiga ina ia tatou ogatasi ai ma le Agaga o le Alii, e soofaatasia ai i tatou, ma fesoasoani tatou te aoao atu ai ma aoaoina ai a tatou aoaoga faavae”*

*(i le Conference Report, Oct. 1994, 13; po o le Ensign, Nov. 1994, 12).*

*Ia tagai i motugaafa ma gaoioiga o loo i lenei ototoga e aoao ai ni auala eseese e mafai ona e faa-aogaina ai musika i taimi o fetufaaiga.*



*O tamaiti e fiafia lava e matamata i a latou lava tusigaata. Afai e te faia se pusa e faasolo ai ata, e mafai foi ona toe faaoga mo nisi lesona. E mafai foi ona fai le gaoioiga lenei e ala i le faapipiina faatasi o ata e faia ai se tusitaai faigofie.*

## Vaiaso 3 ma le 4: E alolofa le Tama Faalelagi ma Iesu Keriso ia te au.

**Uunaia le [agaga] malamalama (taalo i se taaloga o matematega ma pepese):** Tuu atu i le ta piano e tata ia nota muamua e lua o se pese o loo aoao mai e uiga i le alofa o le Tama Faalelagi ma Iesu Keriso ia i tatou, ae fai i tamaiti e mate le pese. Faaopoopo taitasi i ai ia nota i le taimi seia sa’o le mate a tamaiti. Usu faatasi le pese ona talanoa lea po o a mea o loo aoao mai i le pese e uiga i le alofa o le Tama Faalelagi ma Iesu Keriso ia i tatou. Lisi manatu o tamaiti i luga o le laupapa. Toe fai mo pese taitasi. Mafaufau e faaoga ia pese nei: “E Alofa Lou Tama Faalelagi ia te Au” (TT, 16–17), “Faafetai i lo Tatou Tama” (TT, 15), “Le Alofa o Lou Faaola” (TT, 42–43), ma le “O Au o se Atalii o le Atua” (TT, 2–3).

**Uunaia le faaogaaga (tusiga ata):** Tuu atu i tamaiti taitasi se fasipepa latou te tusia ai se ata o se mea se tasi latou te iloa ai e alofa le Tama Faalelagi ma Iesu Keriso ia i latou. Atonu

e te manao e faatatau atu tamaiti i manatu na lisiina i luga o le laupapa i le gaoioiga o loo i luga. Faapipii faatasi ata, ma ia faaali atu i se pusa e faasolo ai ata (tagai AALVSA, 188) pe talatala foi e pei o le talatalaina o se tusitaai. A o vaavaai atu tamaiti, ia tata e le ta piano se tasi o pese o loo lisiina i luga.

**Uunaia le [agaga] malamalama ma le faaogaaga (auai i se gaoioiga faaletino):**

Tusi i ni fasipepa eseese nisi o faataitaiga o auala e faaali mai ai e le Tama Faalelagi ia Lona alofa ia i tatou, faapea foi ma auala e faaali atu ai lo tatou alolofa ia te Ia. Tuu ia fasipepa i totonu o se koneteina, ma ia tuu atu i se tamaitiiti e sei taitasi mai fasipepa. Ia faitau leotele ia fasipepa taitasi. Afai o se fasipepa e faaali mai ai le alofa o le Tama Faalelagi ia i tatou, fai i tamaiti e sii i luga le lima e tasi. Afai o se fasipepa e faaalua atu ai lo tatou alolofa i le Tama Faalelagi, ia tuu o latou lima i luga o o latou fatu.

## Fesoasoaniga mo le taitai musika

Ina ia fesoasoani i tamaiti i le aoaoina o le “Ou Te Iloa E Alofa Lo’u Faaola Ia Te A’u” (itulau 28–29 o le ototoga lenei), mafaufau i mea nei: Ia faaali atu se ata o le Faaola o loo faamanuiaina tamaiti sa Nifae, ma ia faamatala atu i tamaiti le tala o loo maua i le 3 Nifae 17:11–24 i ni a oe lava upu. Usu le laina muamua o le pese i

tamaiti, ma ia aofia ai se taga e o faatasi ma le fasifuaitau “nofoaga matagofie” (e pei o le faaloloaina faalautele o ou lima). Fai atu i tamaiti tou te pepese ma fai faatasi taga. Fai i tamaiti e mafaufau i ni taga e fetau ma laina taitasi o le pese. Ona pepese lea ma fai faatasi taga.

# O Iesu Keriso o Lo'u Faaola ma le Togiola

**Pese: “Na Ia Auina Mai Lona Alo”**  
(*TT*, 20–21)

*“Aua ua faapea lava ona alofa mai o le Atua i le lalolagi, ua ia au mai ai lona Atalii e toatasi, ina ia le fano se tasi e faatuatua ia te ia, a ia maua e ia le ola e faavavau” (Ioane 3:16).*

*la faaopoopo ni ou manatu i manatu ua tuuina atu iinei. la fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma e mafai faapefea ona ou fesoasoani ia latou lagonaina le Agaga?”*

**Motugaafa:** *O le a sili atu le malamalama o tamaiti i aoaoga faavae pe a latou fesootai atu i se mea ua latou iloa. A o amata au lesona taitasi, ia toe faamanatu le aoaoga faavae na aoao atu i le vaiaso na muamua atu ma ia faafesootai atu i upumoni na aoaoina i lena aso.*

## Aoaoina e ala i Gaoioiga

*O le a sili atu ona aoaoina lelei ma manatua umi e tamaiti se aoaoga pe a latou auai i le faaogaina o gaoioiga faaletino.*

### Vaiaso 1: O Iesu Keriso o lo'u Faaola ma le Togiola.

**Uunaia le [agaga] malamalama (vaavaai i ata ma le faitauina o mau):** Tuu solo i totonu o le potu ia ata o le Talisuga Mulimuli, Keriso i Ketesemane, o le Faasatauroga, ma le Toetu. Tusi atu i ata ma tau atu i tamaiti o ata nei o mea na tutupu i le vaiaso mulimuli o le soifua o le Faaola. Fai i tamaiti o le a e faitauina se mau e o faatasi ma se tasi o ia ata. Fai atu i ai e mafaufau ma le filelemu pe o le fea ata e fetau ma le mau. Faitau

le Luka 22:13–14, 19–20. Fai i tamaiti uma e tutu ma faasasaga i le ata e fetau ma le mau. Talanoa le mea o loo tupu ai i le ata. Toe fai i isi ata (Ketesemane: Luka 22:39–44; Faasatauroga: Luka 23:33–34, 46; Toetu: Ioane 20:11–18). Usu se pese e pei o le “Na Ia Auina Mai Lona Alo” (*TT*, 20–21) po o le “To Think about Jesus” (*CS*, 71). Molimau atu na maliu Iesu mo i tatou ina ia mafai ona tatou toe nonofo faatasi ma le Tama Faalelagi.



### Vaiaso 2 ma le 3: E mafai ona faaolaina tagata uma e ala i le Togiola a Iesu Keriso.

**Faailoa atu le aoaoga faavae (taulotoina o se mataupu faavae o le faatuatua):** Tusi le mataupu faavae lona tolu o le faatuatua i luga o le laupapa ma fai i tamaiti tou te faitauina faatasi mo ni nai taimi. Ia faamalamalama faapuupu'u atu ni upu e le malamalama ai tamaiti. (Mo se faaitaiga, o le Togiola o le mea lea na fai e Iesu ina ia mafai ai ona tatou salamo ma toe foi atu i le Atua.) Tape ese se upu se tasi pe lua ona toe fai faatasi lea o le mataupu faavae o le faatuatua. Toe fai ina ia fesoasoani ai i tamaiti e taulotoina.

**Uunaia le [agaga] malamalama (faatino se tala):** Faamatala atu le tala lena ma fai i tamaiti e tutu i luga e faatino le tala. “Sa i ai se tamaloa sa savali i le auala (*savavali i le mea o tutu ai*). Ma pau ai i totonu o se lua loto (*nonofo i lalo*). Sa taumafai ma taumafai lava o ia e alu ae i luga ae sa le mafai (*faafoliga e pei o taumafai e sau i luga*). Sa tauvalaau o ia mo se fesoasoani (*valaau lemu mo se fesoasoani*). Sa savali foi se isi tamaloa i le auala lava lena. Sa ia lagonaina le tagi atu o le tamaloa mo se

fesoasoani (*toe tagi lemu mo se fesoasoani*). Sa ia tuuina ifo se apefai i le lua. Ona a'e mai ai lea o le tamaloa i le apefai i luga o le lua (*faafoliga o loo a'e mai i luga o se apefai*). Sa laveaiina le tamaloa." Ia talanoaina pe o a ni lagona atonu na oo i le tamaloa i le taimi na i ai i totonu o le lua, ma i le taimi na laveaiina ai o ia. Tau atu i tamaiti a tatou faia se mea sese po o se agasala, e pei uma lava o le pau i totonu o se lua loloto lea e le mafai ona tatou sao mai ai i fafo na o i tatou lava. Ia faaali atu se ata o Iesu ma tau atu i tamaiti e pei lava ona fesoasoani atu se tagata i le tamaloa ia sao mai i fafo o le lua, e mafai foi e Iesu Keriso ona fesoasoani ma laveaiina i tatou ina ia mafai ona tatou toe foi atu e nonofo faatasi ma lo tatou Tama Faalelagi.

**Uunaia le faaogaaga (*faitauina ma le talanoaina o se mau*):** Fai atu i tamaiti e faitau le Alema 7:11–12 ma vaai mo le mea ua faia e Iesu mo i tatou. Fai i ni nai tamaiti e faasoa mai mea ua latou maua. Tau atu i tamaiti e malamalama Iesu pe a tatou lagonaina le tiga, faanoanoa, fefe, po o le ma'i. E mafai ona fesoasoani mai o Ia ia i tatou i le faatoilaloina o nei mea.

#### Vaiaso 4: Na toetu Iesu Keriso, ma o le a faapena foi au.

**Uunaia le [agaga] malamalama (*vaavaai i ata ma taaalo i se taaloga o matematega*):** Vaevae tamaiti i vaega ma tuu atu i vaega taitasi se ata o se mea na tupu e faatatau i le Toetu (mo se faataitaiga, e mafai ona e faaogaina ata o le Faasatauroga, lagomauina o Keriso, o le tuugamau avanoa, Maria ma le Alii toetu, ma Iesu o loo faaali atu Ona

Tusi le faamatalaga lenei i luga o le laupapa: Ou te faafetai i le Faaola ona \_\_\_\_\_.  
O le a fesoasoani mai le Faaola ia te au ia \_\_\_\_\_.

Valaaulia ni nai tamaiti e faasoa atu pe o a ni mea latou te faaumaina ai nei fuaiupu, pe tuu atu foi i tamaiti uma lava e faasoa atu a latou tali i le tagata o loo nofo i ona tafatafa.

**Uunaia le [agaga] malamalama (*faamanautuina o tala i tusitusiga paia*):** Tau atu i tamaiti e tele lava tala o loo i tusitusiga paia e uiga i tagata na faamanuaina ona o le Togiola. Faamatala nisi o ia tala. O tala e mafai ona aofia ai Alema le Itiiti (tagai Alema 36:5–27), Paulo (tagai Galuega 8:1–3; 9:1–20), ma Enosa (tagai Enosa 1:1–8). A uma ona faamatala atu se tala, ona toe faamanatu lea ma tamaiti. Togi atu se pepa ua faamanuminumi i se tasi o tamaitiiti ma fai i ai e tau mai se mea se tasi e uiga i le tala. Ia toe togi atu e le tamaitiiti le pepa ia te oe. Ia faaauu pea seia tau atu e tamaiti le tele o faamatalaga taua mai le tala. Faasoa atu lau molimau e uiga i le Togiola.

manua i Ona soo). Fai i ai e aua nei iloa atu e isi vaega a latou ata. Tuu atu i vaega taitasi e tau mai ni nai faataataga e fesoasoani ai i isi tamaiti e mate le mea o loo tupu i a latou ata. A sa'o le latou mate, ona faaali lea o le ata i isi vaega. Ia faamalamalama atu na toetu Iesu Keriso, o le a faapea foi ona tatou toetutu uma ai.

**Motugaafa:** O tamaiti e aoao e ala i le gaoiio ma gaoiioiga. Ia faaaoafia i latou a o e faamatalaina se tala i le tuu atu lea latou te faia ni taga ma ni gaoiioiga faigofie. A uma se gaoiioiga, e mafai ona e fesoasoani ia latou saunia mo le isi taimi o aoaoga e ala i le aumaia filemu o le gaoiioiga po o se taaloga i lona faaiuga. Mo se faataitaiga, tuu atu i tamaiti e usu lemu ni nai laina o se pese, pe tuu faavalavala foi i luma ou lima ma fai atu i tamaiti e tilotilo atu ia te oe a o latou pepese. O le latalata e te tuu faatasia ai ou lima, o le lemu foi lena o le latou pepese. Faafetai atu ia i latou ona o lo latou faaaloalo.



#### E fiafia tamaiti e auai i aoaoga.

*A o e fuafuaina au taimi o fetufaaiga, mafaufau i au ala ia aofia ai ni tamaiti se toatele i gaoiioiga e aoao ai. Mo se faataitaiga, o le gaoiioiga lenei e aofia ai se vaega toaitiiti o tamaiti ae le na o ni tamaiti se toatasi pe toalua foi.*

#### Fesoasoaniga mo le taitai musika

Ina ia fesoasoani i tamaiti i le aoaoina o le "Na Ia Auina Mai Lona Alo" (TT, 20–21), mafaufau i mea nei:

- A o e pese, tuu atu i tamaiti e faitau o latou tamatamailima pe faafia ona latou tauina
- upu "Na Ia auina mai Lona Alo" pe fai atu foi i ai e tutu i luga pe a latou usuina ia fesili ma nonofo i lalo pe a latou usuina ia tali.
- Vaevae tamaiti i ni vaega se lua. Tuu atu i le isi afa e usu fesili o le pese ae usu e le isi afa ia tali.

# E Talanoa Mai le Atua e ala i Perofeta

**Pese:**  
**“Mulimuli i le Perofeta”**  
 (TT, 58–59)

**Motugaafa:** O le a lagona e tamaiti le Agaga a o fefaasoai o latou malamalama i mataupu faavae o le talalelei. E mafai ona latou fefaasoai i mea ua latou aoaoina e ala i a latou upu, tusigaata, ma pese.

*“Faapei ona fetalai mai e Ia i fofoga o ana perofeta paia talu mai anamua” (Luka 1:70).*

*la faaopoopo ni ou manatu i manatu ua tuuina atu iinei. la fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma e mafai faapefea ona ou fesoasoani ia latou lagonaina le Agaga?”*

## Vaiaso 1: E valaauina perofeta e le Atua.

### Faailoa atu le aoaoga faavae (faasao upu):

Tusi upu taitasi nei i luga o ni fasipepa eseese: E, valaauina, perofeta, e le, Atua. Tuu atu fasipepa i ni tamaiti se toalima. Faatulaga tamaiti i luma o le Peraimeri ina ia ese le faatulagaga o upu. Fai i isi tamaiti e faatulaga ia upu i le faasolaga sao. Toe fai faatasi le fuaiupu.

### Uunaia le [agaga] malamalama (faitauina o mau):

Saunia ni faaataataga o auala na valaauina ai Mose, Liae, ma Iosefa Samita e le Atua. Mo se faataitaiga, o faaataataga e uiga ia Mose o le: “Na valaauina au e le Atua a o talanoa mai o Ia ia te au i se vao mumu”; “Na valaauina au e le Atua e tusi ia tusi muamua e lima o le Tusi Paia”; ma le “Na valaauina au e le Atua e aveese mai Lona nuu mai Aikupito.” Filifili ni tamaiti se toatolu e fai ma sui o nei perofeta, ma tuu atu ia i latou e tau atu nei faaataataga i le Peraimeri. Fai i tamaiti e sii o latou lima pe a latou manatu ua latou iloa po o ai lea perofeta. Tuu atu i tamaiti e fai faatasi le tali. A o latou faailoaina mai ia perofeta taitasi,

faitau se mau e uiga i lena perofeta (Mose: Esoto 3:4–5; Liae: 1 Nifae 1:5–6; Iosefa Samita: Iosefa Samita—Talafaasolopito 2:16–17). Ia tau atu o Mose na valaauina e le Atua, o Liae na valaauina e le Atua, ma o Iosefa Samita foi na valaauina e le Atua. Tau atu i tamaiti o perofeta uma lava na valaauina e le Atua.

### Uunaia le faaogaaga (talanoaina ma faitino ia manatu):

Fesili atu i tamaiti, “O ai lo tatou perofeta o loo i ai nei?” Ia faaali atu se ata o le Peresitene o le Ekalesia o loo i ai nei. Faamalalama atu na valaauina o ia e le Atua. Tuu atu i tamaiti e talanoaina i vaega o vasega auala e mafai ona latou mulimuli ai i le perofeta o loo i ai nei. Ia valaaulia se tamaitiiti mai vasega taitasi e sau i luma ma faitino atu se mea se tasi na talanoaina e le latou vaega. Tuu atu i isi tamaiti e mate atu po o le a lea faitinoga. Fai atu i le tamaitiiti e faasoa atu, pe mafai faapefea ona faamanuiaina lona olaga i le mulimuli ai i le perofeta i lea auala na ia faitinoina.

## Vaiaso 2: E molimau mai perofeta e uiga ia Iesu Keriso.

**Uunaia le [agaga] malamalama (vaavaai i ata ma le faitauina o mau):** A o lei faia le taimi o fetufaaiga, tuu se

ata o Iesu Keriso i luga o le laupapa ona ufiufi lea o le ata i ata o perofeta nei: Isaia, Ioane le Papatiso, Nifae, ma Iosefa Samita. Ia tofu ia

## Faailoaina o Aoaoga Faavae

*Pe a e faia se gaioiga, ia faailoa manino atu le aoaoga faavae o loo e aoao atu. E fesoasoani lenei i tamaiti e malamalama ma faaoga lelei ai.*

[Kiliki i i mo uputusi.](#)



vasega taitasi ma se mau se tasi o mau nei: Isaia 9:6; Mareko 1:6–8; 2 Nifae 25:26; Mataupu Faavae ma Feagaiga 76:20–24. Tuu atu i tamaiti e faitau le mau e le latou vasega ma faailoa mai po o ai le perofeta o loo molimau mai ae po o le a foi lana molimau e uiga ia Iesu Keriso. Tuu atu i se

tasi o vasega e faasino i le ata o le perofeta na latou faitau i ai, ma faasoa atu i le Peraimeri mea na latou aoaoina. Aveese le ata o le perofeta mai le laupapa. Toe fai mo isi perofeta e tolu. Faasino i le ata o Keriso ma tau atu i tamaiti o perofeta uma lava e molimau ia Iesu Keriso.



**Motugaafa:** *O le tuu atu i tamaiti e faitau mai a latou lava tusitusiga paia e faamamafaina ai le taua o tusitusiga paia ma valaaulia ai le Agaga. Afai e mafai, ia fai i tamaiti tou te sueina faatasi se mau pe tasi. E mafai ona e fesoasoani i tamaiti e sue ia mau e ala i le tauina atu o le numera o le itulau ma faasino atu i le fuaiupu i au tusitusiga paia. Fuafua e faitau leotelele faatasi le fuaiupu.*

**Motugaafa:** *O le masina leni na e faa-aogaina ai metotia nei e aoao atu ai: faasa’o-ina o upu, faitauina o mau, talanoaina ma le faatinoina o manatu, vaavaai i ata, auai i gaoioiga faaletino, ma le toe faamanatuina o gaoioiga na faia muamua. Vaavaai mo ni auala e mafai ona e faaaogaina ai nei metotia i isi lesona.*

### Vaiaso 3: E i ai le saogalemu i le mulimuli i le perofeta.

**Uunaia le [agaga] malamalama (auai i se gaoioiga faaletino):** Faaali atu se ata o Mose, ma faamatala atu o Mose o se perofeta na taitaiina lona nuu i le saogalemu. Faamatala atu sa nofopologa Isaraelu ia Farao, le tupu o Aikupito, ma na tau atu e le Alii ia Mose e taitai ese mai i latou mai Aikupito (tagai Esoto 3:10). Faamatala atu le tala mai le Esoto 14, ma fai i tamaiti tou te faatinoina faatasi le tala. Mo se faataitaiga: “Na mulimuli atu tagata ia Mose i le toafa (*savavali tulaga o i ai*). Na latou oo mai i le sami (*faaga-oioi lima e pei o ni galu*). Sa tilotilo atu tagata i tua (*autilo i tua*) ma vaايا ai Farao ma ana au o tuliloa atu ia i latou (*fai le pao o solofanua o loo*

*tamomoe i le popo o vae*). Na fefefe i latou (*faa-ali le fefefe*).” Faitau le Esoto 14:13, ona toe faa-aauu lea o le tala. “Na tau atu e le Alii ia Mose e sii i luga lona tootoo (*faafoliga o loo sii i luga se tootoo*), ona vaeluaina ai lea o le sami (*faava lima*). Na faapea ona mulimuli saogalemu atu le nuu ia Mose i le sami i le eleele matutu seia oo atu i le isi itu (*savavali i tulaga o loo i ai*). Ina ua taumafai le autau a Farao e mulimuli atu ia i latou, na faatonuina e le Alii ia Mose e faaloaloa atu lona lima, ona toe faatasi ai lea o le sami (*tuu faatasi lima*). Na malelemo le autau a Farao i le sami. Na saogalemu le nuu ona sa latou mulimuli i le perofeta.”



### O le a se mea o le a fai e tamaiti e aoao ai?

*O le faia o leni fesili a o e saunia ni gaoioiga o le a fesoasoani ai i tamaiti e aoao e ala i le auai [i gaoioiga]. Mo se faataitaiga, o le ata leni o loo faatino ai e tamaiti le tala ia Mose o loo vaeluaina le Sami Ulaula.*

### Vaiaso 4: E talanoa mai le Atua e ala i perofeta.

Fuafua e faamanatu ia aoaoga faavae na aoaoina e tamaiti i leni masina i le taimi o le fetufaaiga. Mo se faataitaiga, e mafai ona e:

- Toe faia pe faalatele nisi o gaoioiga na faia i taimi o fetufaaiga na muamua atu.
- Faaali atu i tamaiti se ata o le perofeta i aso nei ma fai i ai, “Afai e te iloa le tagata lea, ona

sii lea i luga o lou lima.” Fai i tamaiti e musu-musu atu lona igoa i o latou tuaoi. Ia tofi ni nai tamaiti e faasoa atu o latou lagona e uiga i le perofeta.

- Usu le tali o le pese “Mulimuli i le Perofeta” (TT, 58–59) a o faatino e tamaiti mea o le a latou faia e mulimuli ai i le perofeta.

# Na Toefuataiina Mai e Iesu Keriso le Atoatoaga o le Talalelei e ala ia Iosefa Samita

*“Matou te talitonu i le faatulagaga sa i ai i le Ekalesia Anamua”  
(Mataupu Faavae o le Faatuatua 1:6).*

*la faaopoopo ni ou manatu i manatu ua tuuina atu iinei. la fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma pe mafai faapefea ona ou fesoasoani ia latou lagonaina le Agaga?”*

**Pese: “O Le Ekalesia a Iesu Keriso”**  
(TT, 48)

**Motugaafa:** O le vae-vae i vaega e mafai ai ona auai ni tamaiti se toatele e faitino. Fuafua i le toatele o lau Perai-meri ma pe fia ni vaega o le a manaomia ina ia mafai ai ona aofia uma tamaiti i le gaoioiga (tagai vaiaso 1).

## Vaiaso 1: Na Faaali mai le Tama Faalelagi ma Iesu Keriso ia Iosefa Samita.

**Faailoa atu le aoaoga faavae (faitauina o mau):** Tau atu i tamaiti na faatuina e Iesu Keriso ia Lana Ekalesia a o soifua o Ia i luga o le foga-eelele. O aso nei tatou te taua ai lena ekalesia o le “Ekalesia Anamua.” Ia faamalamalama atu, e lei leva ona mavae le maliu o Iesu, ae aveesea Lana talalelei mai le lalolagi, ma o ni tausaga se tele mulimuli ane, na la toefuataiina mai ai le talalelei e ala ia Iosefa Samita. Saunia ni fasipepa se fa, e tusia ai i fasipepa taitasi ia fuaiupu nei:

1. Na faitau Iosefa Samita i le Tusi Paia, “Ae afai ua \_\_\_\_\_, i so outou, ina ole atu ia i le Atua.” (Iosefa Samita—Talafaasolopito 2:11)
2. Na alu Iosefa Samita i le \_\_\_\_\_ e \_\_\_\_\_. (Iosefa Samita—Talafaasolopito 2:14)
3. Na vaai Iosefa i se \_\_\_\_\_ faaniutu i luga ae tonu o lona ulu. (Iosefa Samita—Talafaasolopito 2:16)

4. Na tusi ane le aao o le Tama Faalelagi ia Iesu Keriso ma fetalai mai, “O Lou \_\_\_\_\_ lenei.” (Iosefa Samita—Talafaasolopito 2:17)


Vaevae tamaiti i ni vaega se fa, ma tuu atu i vaega taitasi se fasipepa o upu. Fai atu i ai e faitau le mau e sue ai upu o loo misi. Tuu atu ia i latou e femusuai le tali mai le tasi i le isi, ae le o le faatumuina o avanoa o loo i le pepa. Fai i tamaiti e fepasiai a latou fasipepa o upu i se isi vaega, ma fai pea seia maua e vaega taitasi ia tali uma. (Tali: 1. leai se potu; 2. vao, tatalo; 3. malamalama; 4. Atalii Pele)

**Uunaia le [agaga] malamalama:** Mafaufau e faaoga gaoioiga, mea faitino, ma papeti tamata-mailima mai le tusi lesona a le vasega pepe, *Vaai Ia i o Outou Tamaiti*, e fesoasoani ai i tamaiti ia malamalama na faaali mai le Tama Faalelagi ma Iesu Keriso ia Iosefa Samita (tagai i itulau 88–91).

## Vaiaso 2: Na faaliliuina e Iosefa Samita le Tusi a Mamona e ala i le mana o le Atua.

**Uunaia le [agaga] malamalama (faitauina ma le talanoaina o se mau):** Tusi le fasifuaitau mana o le Atua i luga o le laupapa e faaoga ai se gagana faalilolilo (mo se faataitaiga, e mafai ona e suia mataitusi taitasi i se faailoga). Fesili atu pe i ai se tasi e mafai ona faitauina le savali. Tusi se faamalamalama i luga o le laupapa e faaalia faailoga ua suia ai mataitusi, ma tuu atu i tamaiti e galulue i ni vaega e faaliliu ai le gagana faalilolilo o le savali. (Faamanatu atu i tamaiti e

aua le tauvalaau mai e tau mai le tali.) Faitau faatasi le fasifuaitau. Faitau le Mataupu Faavae ma Feagaiga 1:29. Ia faamalamalama atu semanu e le mafai e Iosefa Samita ona faitauina tusitusiga sa i luga o papatusi auro e aunoa ma le fesoasoani a le Alii. Valaaulia tamaiti e faasoa mai mea ua latou iloa e uiga i le ala na mafai ai e Iosefa Samita ona faaliliu le Tusi a Mamona. Valaaulia ni nai tamaiti e faasoa atu o latou lagona e uiga i le Tusi a Mamona.




## Faailoaina o Aoaoga Faavae

*Ia faailoa manino atu le aoaoga faavae o loo e aoaoina atu. E fesoasoani lenei i tamaiti e malamalama ma faaoga lelei ai. Mafaufau i auala e vaavaai atu ai tamaiti i upu o le aoaoga faavae ma tautino i ai i o latou mafaufau.*

## Vaiaso 3 ma le 4: Na toefuataina mai e Iesu Keriso le talalelei e ala ia Iosefa Samita.

**Faailoa atu le aoaoga faavae ma uunaia le [agaga] malamalama (tuufaatasia o se pasu):** Faamanatu atu i tamaiti, e lei leva ona mavae le maliu o Iesu, ae aveesea Lana talalelei mai le lalolagi, ma na Ia toefuataina mulimuli mai le talalelei e ala ia Iosefa Samita. Ia faamalamalama atu o le uiga o le toefuatai o le toe au-maia. Tusi se ata faigofie o se falesa e faaigoaina e pei ona faaaliga (tagai Efeso 2:20; 4:11–13). Faamalamalama atu a o i ai Keriso i le lalolagi sa Ia faatuina Lana Ekalesia. Oti le ata i ni fasi vaega a o e aoaoga atu ia i latou e uiga i le Liliuese. Tuu atu i tamaiti e toe faapipii (faatulaga) le ata a o latou faalogologo atu i le tata mai e le ta piano o le



[Kiliki i i mo ata tusi.](#)

“I Se Taeao Manaia” (TT, 57). Usu faatasi le fuaiupu e tolu.

**Uunaia le [agaga] malamalama (faalologo i failauga faapitoa):** Ia valaaulia nisi o le uarota e o mai i le Peraimeri ma faafoliga i tagata na auai i le Toefuataiga (e pei o Iosefa Samita [tagai Iosefa Samita—Talafaasolopito 2:8–20], o le agelu o Moronae [tagai Iosefa Samita—Tala-faasolopito 2:29–35, 42–49], o Molimau e Toatolu [tagai “O Le Mau a Molimau e Toatolu”], po o Ioane le Papatiso [tagai MFF 13]). Atonu o le a latou mananao e fai ni teuga faigofie. Vaevae tamaiti i ni vaega. Fai atu i tagata asiasi e faalauiloa atu po o ai i latou ma tuu atu i tamaiti e tau mai ni mea latou te iloa e uiga ia i latou. Tuu atu i tagata asiasi e faasoa atu a latou molimau e uiga i tagata o loo latou faafoliga i ai.

*Fuafua e faaoga se ata tusi e talitutusa lava ma lea i le gaoioiga lenei. Afai e toatele lau Peraimeri, mafaufau e fai e tamaiti lenei gaoioiga i ni vaega toalaite.*



**Motugaafa:** E le tataua ona faatinoina le Tama Faalelagi ma Iesu Keriso i se tala faatino.

## Fesoasoaniga mo le taitai musika

Ina ia fesoasoani i tamaiti i le aoaoina o le “O Le Ekalesia a Iesu Keriso” (TT, 48), ia mafaufau i mea nei:

- Fai i tamaiti e tutu i luga pe afai e auai i se aiga. Ia toe fai mo isi vaega atonu latou te



auai, e pei o se au, o se kalapu, ma se ekalesia. Tuu atu i tamaiti e faamalamalama mai pe o le a le uiga o le auai (o oe o se vaega taua o se mea). Faailoa atu le pese e ala i le faaali atu o se ata o Iesu Keriso, ma tuu atu i tamaiti e faitau faatasi le Mataupu Faavae ma Feagaiga 115:4

- Ia faailoa atu fasifuitau taitasi o le pese e ala i le tuu atu o tamaiti e faalogologo mo le tali i se fesili a o e usuina atu le fuaiupu ia i latou. (Mo se faataitaiga: O le a le mea o avea ai au ma se tasi? O a ni mea se lua ua ou iloa? E faapefea ona ou mulimuli atu ia te Ia?) Ona outou usuina lea ma tamaiti le fasifuitau lena. Ia faaauau ai pea seia oo ina aoaoina e tamaiti le pese atoa.
- Vaevae le Peraimeri i ni vaega se lua, ma tuu atu i se tasi o vaega latou te usuina na o upu muamua e tolu o fasifuitau taitasi (ua ou auai, ua ou iloa, ma isi lava), ae tuu atu i le isi vaega e faaumaina le fuaitau. Fesui ai vaega ma toe fai.

**Motugaafa:** Ia aofia ai ni pese Peraimeri i lau aoaoga. O le a fesoasoani lea i tamaiti e manatua ai mea na latou aoaoina. “E mafai ona tatou lagonaina ma vave ona aoaoga e ala i musika . . . nisi mea faaleagaga semanu e tuai lava ona tatou aoaoina” (Boyd K. Packer, i le AALVSA, 48).

# O Mataupu Faavae ma Sauniga o le Talalelei e Taitai Atu ai Au ia Iesu Keriso

Soo se pese e te filifilia mai le Tusipese a Tamaiti

**Motugaafa:** O le vala-auliaina o tamaiti e fetu-faai i vaega toalaite e tuuina atu ai i tamaiti e toatele le avanoa e auai ai. I le taimi o fetufaaiiga, ua nonofo tamaiti i vaega o vasega. E mafai ona faaaoga ia nei vaega mo gaoioiga a vaega toalaite. O faiaoga o vasega e mafai ona fesoasoani atu ia mauiinoa e auai uma tamaiti ma faatumauina le faaaloalo.


*“Matou te talitonu o muai mataupu faavae ma sauniga o le Talalelei e faapea: muamua, Faatuatua i le Alii o Iesu Keriso; lona lua, o le Salamo; lona tolu, o le Papatisoina i le faatofuina mo le faamagaloina o agasala; lona fa, o le faaee atu o lima e maua ai le mea foaifua o le Agaga Paia” (Mataupu Faavae o le Faatuatua 1:4).*

**Ia faaopoopo ni ou manatu i manatu ua tuuina atu iinei. Ia fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma e mafai faapefea ona ou fesoasoani ia latou lagonaina le Agaga?”**

## Vaiaso 1: E faamalasia lo’u faatuatua ia Iesu Keriso pe a ou usitai.

**Faailoa atu le aoaoga faavae (aoaoina o se mataupu faavae o le faatuatua):** Tuu se ata o Iesu Keriso i luga o le laupapa. Tusi se faasitepu e fa ona sitepu e tau atu i le ata. Fai faatasi le mataupu faavae o le faatuatua lona fa, ma fai i tamaiti e tau mai le uluai mataupu faavae ma sauniga o le talalelei a o e tusia i luga o sitepu talafeagai. Faitau ou tamatamailima a o e tauina ia mataupu faavae ma sauniga taitasi. Mafaufau i ni auala e fesoasoani ai i tamaiti e tauloto le mataupu faavae o le faatuatua lona fa.

**Uunaia le [agaga] malamalama (usuina o se pese):** Usu le “Faatuatua” (TT, 50–51). Tusi i ni fasipepa ia fuaiupu taitasi o le fuaiupu e lua. Vaevae tamaiti i ni vaega se fa ma tuu atu i vaega taitasi se fasipepa o upu. Tuu atu i vaega taitasi e tutu i luga e usu a latou laina i le taimi talafeagai o le pese. Tuu atu foi i vaega e faafesuia i fasipepa o upu, ma toe fai le gaoioiga seia usuina e vaega taitasi ia laina taitasi. Valaaulia tamaiti e faatino ni auala e mafai ona latou usitai ai. (E mafai ona fai lenei vaega i a latou vaega po o le Peraimeri atoa.) Ia faasoa atu i tamaiti se aafiaga na faamalasia ai lou faatuatua ia Iesu Keriso.



## Faaoga le Laupapa

*E mafai ona avea le laupapa ma se meafaigaluega faafaiaoga aoga tele. Faaoga ni ata faigofie e fesoasoani e aoao atu ai mataupu faavae o le talalelei.*

## Vaiaso 2: E mafai ona ou salamo.

**Uunaia le [agaga] malamalama ma le faa-aogaaga (talanoaina o tulaga e aoao ai):** Ia faamalalama atu ona o Iesu Keriso, o lea afai tatou te faia se mea sese e mafai ona tatou salamo, o lona uiga tatou te le toe agasala ae liliu atu i le Atua. Ia faamalalama atu o le salamo e aofia ai le lagonaina o le faanoanoa, talosaga

atu mo se faamagaloga, faasaoina o le mea na sese, ma lē toe faia le mea sese. Ia talanoa faapuupu i laasaga nei, ma faamamafa atu le auala e mafai ai e le Faaola ona fesoasoani ia i tatou. Vaevae tamaiti i ni vaega ma tuu atu i vaega taitasi se tulaga faatusa e aoao ai. Tuu atu ia i latou e faitau le tulaga faatusa e aoao ai ma

talanoa pe o a ni mea e mafai ona latou faia e salamo ai. Mo se faataitaiga, ua ita se tagata ona tago lea fasi lona uso po o le tuafafine. O le a se

mea e tatau ona ia faia? Faailoa atu le agaga faafetai mo le avanoa ua tuuina mai e Iesu Keriso tatou te salamo ai.



### Vaiaso 3: Pe a ou papatiso ou te faia se feagaiga ma le Atua.

**Faailoa atu le aoaoga faavae (aoao e uiga i folafolaga):** Ina ia faaali atu le mea e ta'u o le folafolaga, valaaulia ni tamaiti se toalua e o atu i luma. Fai i le tamaitiiti muamua e fai le faamatalaga lenei, “Ou te folafola atu e \_\_\_\_\_ (e nono atu ia te oe lau tusi) pe afai e te folafola mai e \_\_\_\_\_ (toe faafoi mai).” Fai atu i le tamaitiiti lona lua e ioe i ai ma uulima faatasi ma le tamaitiiti muamua. Faamalamalama atu o se feagaiga o se folafolaga e lua ona itu i lo tatou va ma le Atua. Tusi “Folafolaga a le Atua” i le isi itu o le laupapa, ae o le isi itu le “Tatou te Folafola atu.” Faamalamalama atu a tatou papatiso, ua tatou faia ni folafolaga i le Atua ma Ia faia foi ni folafolaga ia i tatou.

**Uunaia le [agaga] malamalama (usuina o pese):** Ia sauni mamao ni fasipepa e tusi ai folafolaga ma pese nei: Tauave i o tatou luga le

suafa o Iesu Keriso (“O Le Ekalesia a Iesu Keriso” [TT, 48]); Manatua pea o Ia (“To Think about Jesus” [CS, 71]); Tausi poloaiga (“Tausi Poloaiga” [TT, 68–69]); Maua pea Lona Agaga e faatasi ma i tatou (“O Le Agaga Paia” [TT, 56]); Foi atu e mafuta faatasi ma Ia (“O Au o se Atalii o le Atua,” fuaiupu e 3 [TT, 2–3]). Tuu fasipepa i totonu o se koneteina. Tuu atu i se tamaitiiti e ilo mai se pepa se tasi ma faitau le folafolaga. Fesili atu i tamaiti, “O ai o loo faia le folafolaga, o le Atua po o tatou?” Tusi le folafolaga i luga o le laupapa i lalo o le ulutala sao. Tuu atu i tamaiti e usu le pese ma faasolo le koneteina seia uma le pese. Tuu atu i le tamaitiiti o loo uuina le koneteina pe a uma le pese e ilo mai se isi pepa. Toe fai i pese taitasi. Faamanatu folafolaga ma molimau atu i le taua o feagaiga o le papatisoga.

### Tamaiti e Fai ma Fesoasoani Vaaia

*O le faaaogaina o tamaiti i faataitaiga vaaia o le a latou tosina atu ai ma latou saunia ai e aoao. Mo se faataitaiga, o le taimi o fetufaaiga lenei e amata i le faaali atu e tamaiti o le manatu o se folafolaga.*

**Motugaafa:** *A faasoa atu e tamaiti o latou lagona e uiga i le talalelei, e faapea ona valaaulia ai le Agaga. Fesoasoani ia malamalama tamaiti o faalogoga o le filemu ma le alofa latou te lagoina e sau lea mai le Agaga Paia. O le taulaiga o le taimi o fetufaaiga i le vaiaso 4 e tataua ona i luga lea o tamaiti e feaasoai i auala na fesoasoani ai le Agaga Paia ia i latou. Ia mautinoa e te fatuina se siosiomaga faaaloalo ina ia mafai ona tupu leni tulaga.*

### Vaiaso 4: Pe a faamauina lo'u [papatisoga] ou te maua le meaalofa o le Agaga Paia.

**Faailoa atu le aoaoga faavae (vaai i se ata ma usu se pese):** Faaali atu se ata o se tamaitiiti o loo faamauina [lona papatisoga] ma fesili atu i tamaiti pe o le a le mea o loo tupu. Ia fesili atu, “O le a le meaalofa o le Agaga Paia?” Ia faamamafa atu o le meaalofa o le Agaga Paia o le aia lea e maua ai le mafutaga faifaipea a le Agaga Paia. Usu le pese “O Le Agaga Paia” (TT, 56).

**Uunaia le [agaga] malamalama (faia o fesili):** Ia valaaulia se tagata o umia le Perisitua

Mekisateko e sau i le Peraimer. Tuu atu i ni tamaiti ni fesili e fai atu i ai, e pei o le: O le a le perisitua o loo ia te oe? Na faapefea ona e maua le perisitua? E faapefea ona e faamauina se tagata e avea ma se tagata o le Ekalesia? O le a le uiga o le “faae atu o lima”? O le a le uiga o le ia “maua le Agaga Paia”? E mafai faapefea ona fesoasoani mai le Agaga Paia ia te au? Valaaulia tamaiti e faasoa atu o latou aafiaga i auala na fesoasoani ai le Agaga Paia ia i latou.

# O Le Agaga Paia e Molimau i le Moni o Mea Uma

**Pese:**  
**“O Le Agaga Paia”**  
 (TT, 56)

*“O le mana foi o le Agaga Paia tou te iloa ai le tonu i mea uma lava”*  
 (Moronae 10:5).

*la faaopoopo ni ou manatu i manatu ua tuuina atu iinei. la fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma pe mafai faapefea ona ou fesoasoani ia latou lagonaina le Agaga?”*

**Motugaafa:** *E taua mo tamaiti ona aoao i upu-moni o le talalelei mai tusitusiga paia. Fesoasoani i tamaiti ina ia taulai lelei atu ma faalogo a o faitauina ia mau. E oo foi i tamaiti e laiti ifo, e mafai ona latou faalogo mo se upu faapitoa se tasi pe lua a o e faitauina se fuaiupu.*

## Vaiaso 1: O le Agaga Paia o le sui lona tolu lea o le Aigaatua.

**Faailoa atu le aoaoga faavae (taulotoina o se mataupu faavae o le faatuatua):** Fesoasoani i tamaiti e tauloto le mataupu faavae o le faatuatua muamua i le vaevaeina lea o i latou i ni vaega se tolu. Tusi atu lou lima i se vaega ma fai i ai e fai, “Matou te talitonu i le Atua, le Tama Faavavau.” Tusi atu i le isi vaega ma fai i ai e fai, “Ma Lona Alo o Iesu Keriso.” Tusi atu i le vaega lona tolu ma fai i ai e fai, “Ma le Agaga Paia.” Toe fai, ma tuu atu i vaega taitasi latou te faia ia fasifuaiteu taitasi. (Atonu o le a e manao i tamaiti laiti ifo e tuu i luga o latou tamatamailima pe a ta’u fasifuaiteu taitasi.) Ia faamalalama atu o le Tama Faalelagi, Iesu Keriso, ma le Agaga Paia, o uso ia e toatolu o le Aigaatua. Tau atu i tamaiti o le Agaga Paia o se agaga, e leai se tino o aano ma ivi.

**Uunaia le [agaga] malamalama ma le faaogaaga (faitauina o mau ma faasoa aafia):** Fai i tamaiti e sue a latou tusitusiga paia ma faitau faatasi le Mataupu Faavae ma Feagaiga 130:22. Fai i ai e faalogo pe aisea e leai ai se

tino o le Agaga Paia. Faitau le Mataupu Faavae ma Feagaiga 8:2. Fai i tamaiti e tusi i o latou ulu pe a e fai atu “mafaufau” ma tusi i o latou fatu pe a e fai atu “loto.” Faasoa atu ni faaitaiga o ni auala e ono talanoa atu ai le Agaga Paia i lou mafaufau ma lou loto (tagai Kalatia 5:22). Fuafua e tuu atu i tamaiti e faasoa mai ni taimi na latou lagonaina ai le uunaiga a le Agaga Paia.

**Uunaia le [agaga] malamalama ma le faaogaaga (talanoaina o matafaioi o le Agaga Paia):** Vaevae tamaiti i ni vaega se lima. Tuu atu i vaega taitasi ia se tasi o mau faasino nei, ma fai i ai e faailoa mai auala e fesoasoani mai ai le Agaga Paia ia i tatou: Ioane 14:26 (faamafanafana ma aoao mai); 2 Nifae 32:5 (tau mai mea e tataua ona tatou faia); Mosaea 5:2 (sua o tatou loto); Moronae 8:26 (faatumulia i tatou i le faamoemoe ma le alofa); Mataupu Faavae ma Feagaiga 20:27 (molimau mai e uiga ia Keriso). Ia valaaulia vaega taitasi e ta’u atu i tamaiti uma o le Peraimeri mea ua latou aoaoina.

## Vaiaso 2: E tautala mai le Agaga Paia i se leo itiiti ma le filemu.

**Faailoa atu le aoaoga faavae (aoao e faalogo):** Fai atu i se leo filemu, “O tagata uma lava e mafai ona lagona mai lo’u leo, tuu lou tamatamailima i luga o lou isu. O tagata uma lava e mafai ona lagona mai lo’u leo, tuu lou lima i luga o lou ulu.” Faaauau ona filifili isi vaega o le tino, seia faalogo atu tamaiti uma i lou leo filemu. E mafai ona e faaumaina i le fai i ai e piilima o latou lima. Ia faailoa atu e ui lava ina sa e tautala filemu, ae ina ua faalogo tamaiti, na mafai ona latou lagonaina lou leo ma usitai i au faatonuga. Faamalalama atu o le Agaga Paia e tautala mai ia i tatou i se leo itiiti ma le filemu.

**Uunaia le [agaga] malamalama (auai i se gaoioiga faaletino):** Fusi mata o se tamaitiiti ma taitai atu o ia i se isi nofoaga i totonu o le potu. Tau i le tamaitiiti, “Afae e te faatuatuaina au ma faalogo mai ia te au, o le a ou toe taitaina atu oe i lou nofoaga.” I se leo filemu tuu atu i le tamaitiiti ni faatonuga e toe oo saogalemu atu ai i lona nofoaga. Fesili atu, “E faapefea ona pei lenei faatinoga o le auala e taialaina ai i tatou e le Agaga Paia?” Faaali atu le ala e faatusatusa ai le Agaga Paia i le Liahona e ala i le faamatala atu o le tala i le u fanafana gau a Nifae (tagai 1 Nifae 16:18–32). Fuafua e faaoga taga e pei ona faaalua i isi lesona o loo i lenei ootoga (tagai Mati, vaiaso 3, po o

Aokuso, vaiaso 4). Faamatala atu e pei lava ona taitaiina e le Liahona ia tagata e tusa ai ma lo latou faatuatua ma le maelega, o le a taitaiina

foi i tatou e le Agaga Paia e tusa ai ma la tatou amiotonu pe a tatou faalogo i Lona leo.



**Motugaafa:** *O se tasi o auala e valaaulia ai le Agaga o le tuuina atu lea i tamaiti o avanoa e faasoa atu ai mea o le a latou faia e ola ai i upumoni o le talalelei. O se tasi o auala e valaaulia ai le Agaga, o le tuuina atu i tamaiti o avanoa e faasoa atu ai mea o le a latou faia e ola ai i upumoni o le talalelei.*

**Vaiaso 3: E mafai ona taiala ma puipui i tatou e le Agaga Paia.**

**Uunaia le [agaga] malamalama (faalogo- logo i tala):** Ia valaaulia nisi o le uarota e faamatala atu ni tala i auala e taiala ma puipui ai i tatou e le Agaga Paia. E mafai ona latou faasoa- ina atu se aafiaga patino po o se tala mai tusitu- siga paia po o le talafaasolopito o le Ekalesia (mo se faataitaiga, tagai *Aoaoga a Peresitene o le Ekalesia: Wilford Woodruff* [2004], 48–49). Vaevae tamaiti i ni vaega ma faataamilo a le o vaega, po o le au faamatala tala seia faalogo vaega i tala uma. Tuu atu i tamaiti e hamu le pese “O Le Agaga Paia” (TT, 56) a o latou faa- taamilo atu i le au faamatala tala.

**Uunaia le [agaga] malamalama ma le faaaogaaga (gaoioiga i le laupapa):** Vavae le laupapa i ni koluma se lua. Tusi i le pito i luga o le tasi koluma le “Filifiliga taua” ma le “Valaaulia le Agaga Paia” i le pito i luga o le isi koluma. Tuu atu i tamaiti e faatumu le koluma muamua i le lisiina lea o filifiliga taua o le a latou faia i le faagasologa o le olaga. Ona tuu atu lea latou te faatumuina le koluma lona lua i mea o le a latou faia e valaaulia ai le Agaga Paia i o latou olaga, ina ia mafai ona latou maua le fesoasoani i le faiga o nei filifiliga.

FAAIUGA TAUA	VALAAULIA LE AGAGA PAIA
la faamaoni	Tatalo
la papatisoina	ʻSau i le lotu
Auauna atu i se misiona	Faitau tusitusiga paia

**Faaoga le Laupapa**

*O laupapa o ni meafaigaluega aoga tele faafaiaoga. E mafai ona faaaoga e faafeiloai ai i tamaiti, fai se fesili, faailoa le aoaoga faavae, tusi ai manatu, ma faaali ai tala po o mataupu (tagai AALVSA, 170–71).*

**Vaiaso 4: O le mana o le Agaga Paia, e mafai ai ona tatou iloa le moni o mea uma.**

**Uunaia le [agaga] malamalama ma le faa- aogaaga (taaalo i se taaloga pe fefaasoai i aafiaga):** Faitau faatasi le Moronae 10:5, ma molimau atu o le a fesoasoani le Agaga Paia ia i tatou e iloa ai upumoni. Tau atu i tamaiti o nisi taimi e mafai ona latou maua ai se lagona mafanafana ma le toafilemu a o i ai i le lotu, a o faia galuega agalelei, pe a o latou tatalo foi ma faitau tusitusiga paia. Ia faamalalama atu o lenei lagona toafilemu o le Agaga Paia lea o loo ta’u atu ia i latou e moni ma ua sa’o nei mea. Vaevae tamaiti i vaega o vasega, ma ia tuu atu i vaega taitasi e fai se tasi o gaoioiga nei: (1) Taaalo i le taaloga poloka mai lesona a le vasega pepe, *Vaai Ia I O Outou Tamaiti* (tagai i itulau 29, 31).

(2) Fefaasoai i aafiaga i auala na fesoasoani ai le Agaga Paia ia i latou. (Atonu e te manao e valaaulia se faiaoga i vaega taitasi e faasoa muamua mai sona aafiaga.)



**Fetuunaiina o Lesona**

*Ia fetuunai lesona mo le matutua o tamaiti. Fuafua e faaoga manatu ma gaoioiga mai isi tusi ma mea e faaoga ua faamaonia a le Ekalesia, e pei o le tusi lesona a le vasega pepe ma mekasini a le Ekalesia.*

# E Mafai Ona Ou Mulimuli i le Faataitaiga a Iesu Keriso

**Pese:**  
**“Mulimuli Mai ia te A’u”**  
*(Viiga, nu. 62)*

**Motugaafa:** *O le gaioioi i le taimi o le Peraimeri e faatumauina ai le auai malosi ma le gauai atu o tamaiti. Ia fetuunai gaioioiga ina ia talafeagai ma le toatele o lau Peraimeri. Mo se faataitaiga, e manaomia e se Peraimeri toatele ona savavali ai lava i tulaga e tutu ai nai lo le savavali atu i ata i le vaiaso e 2.*



**Motugaafa:** *O le a sili atu ona lelei le aoaoina o tamaiti pe afai e faa-aogaina ni metotia faa-faiaoga eseese. Mo se faataitaiga, i le vaiaso lona 2, e faailoa atu e tamaiti le aoaoga faavae, tagai i ata, ma fai se gaioioiga faaletimo e faataitau i le aoaoga faavae.*

*Na fetalai Iesu, “Sau, ma mulimuli mai ia te au” (Luka 18:22).*

*Ia faaopoopo ni ou manatu i manatu ua tuuina atu iinei. Ia fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma pe mafai faapefea ona ou fesoasoani ia latou lagonaina le Agaga?”*

## Vaiaso 1: Na usiusitai i taimi uma Iesu Keriso i le Tama Faalelagi.

**Faailoa atu le aoaoga faavae (faitauina o mau):** Ia saunia ni fasipepa se lima, ia tusia ai upu nei i le isi itu ae o le mau e faasino i le pito i tua: *Ae le* (Mose 4:2); *o lo’u loto* (Luka 22:42); *ae* (3 Nifae 27:13); *o Lou finagalo* (Ioane 6:38); *ia faia* (Ioane 4:34). Vaevae tamaiti i ni vaega se lima, ma tuu atu i vaega taitasi se tasi o ia fasipepa. Faamalamalama atu o nei mau uma o loo ta’u mai ai se savali tutusa i le ala na soifua ai Iesu Keriso i Lona soifuaga. Ia valaaulia faiaoga e fesoasoani atu i tamaiti ia malamalama i le savali o loo i a latou mau. Tuu atu i vaega taitasi e lipoti

mai i mea ua latou aoaoina a o latou faapipiina a latou pepa i luga o le laupapa. Fai atu ia i latou e fesoasoani atu i le faatulagaina o upu i le faasologaga sa’o ma faitau faatasi le fuaiupu.

**Uunaia le faaogaaga (faiga o se filifili pepa):** Tuu atu i tamaiti e fautua mai ni auala e mafai ona latou mulimuli ai i le faataitaiga a Iesu Keriso o le usiusitai i poloaiga a le Tama Faalelagi. Tuu atu i tamaiti taitoatasi e tusi se faamatalaga po o se ata o se manatu se tasi i luga o se fasipepa. Faapipii fasipepa ia faia ai se filifili pepa. Ia faailoa atu e pei foi ona umi le filifili i faatinoga taitasi o

le usiusitai, o le a faapea foi ona tuputupu ae o tatou faatuatua i taimi uma tatou te usitai ai.



[Kiliki i l mo uputusi.](#)

## Iloaina o Aoaoga Faavae

*Pe a e faia se gaioioiga, ia faailoa manino atu le aoaoga faavae o loo e aoaoina atu. E fesoasoani lenei i tamaiti e malamalama ma faaoga lelei ai.*

## Vaiaso 2: Sa femaliuai Iesu Keriso ma agalelei.

**Uunaia le [agaga] malamalama (vaaia ma le talanoaina o ata):** Faaali atu i tamaiti se pea seevae pau (po o se ata o loo see ai e Iesu ni seevae). Ia faamalamalama atu, o Iesu na seeina ni seevae faapenei, ma femaliuai ma agalelei. Tusi i luga o le laupapa le faamatalaga lenei: “O Ia sa femaliuai ma agalelei, aua sa ia te ia le Atua” (tagai Galuega 10:38). Tuu atu i tamaiti tou te toe faia faatasi le fasifuaitau lenei. Ia faapipii solo i totonu o le potu ia ata o loo faaalua ai mea nei na tutupu: Iesu o loo faamanuina tamaiti (tagai 3 Nifae 17:21–24), Iesu o

loo faamaloloina le tagata tauaso (tagai Ioane 9:1–17), Iesu ua toe faatuina mai le afafine o Iairo mai le oti (tagai Mataio 9:18–19, 23–25), ma Iesu o loo fafagaina le toa 5,000 (tagai Ioane 6:5–14). Fai i tamaiti e faafoliga e pei o loo latou faamauluina ni seevae, ma fai i ai e savavali atu i se ata. Ia valaaulia nisi o tamaiti e faamatala mai mea o loo fai e Iesu i le ata. Fai atu ia i latou e toe fai le fasifuaitau “O Ia sa femaliuai ma agalelei, aua sa ia te ia le Atua” a o lei savavali atu i isi ata e sosoo ai. Ia toe fai foi mo ata taitasi.

**Vaiaso 3 ma le 4: O faataitaiga a Iesu Keriso ua aoao mai ai ia te au le auala ou te ola ia.**

**Uunaia le [agaga] malamalama (faitauina o mau ma le usuina o pese):** Ia tusi i luga o le laupapa ni lisi se lua i soo se faasologa—o le isi lisi o mau o loo faia ai e Iesu se faataitaiga mo i tatou e mulimuli ai, ma le isi o ni pese e faatatau i nei mau. Vaevae tamaiti i ni vaega. Tuu atu i vaega taitasi se ata o loo faaalua ai se tasi o mea na tupu i tusitusiga paia ua e lisiina. Fai atu i vaega taitasi e faafetaui a latou ata i se mau ma se pese mai le laupapa. Tuu atu i vaega e auauai taitasi e faaali atu a latou ata, faamalamalama le faataitaiga o loo faia e Iesu, ma taitai le Peraimeria atoia i le usuina o le pese. Fuafua e faaoga mea nei:

- O le Tama o Iesu i totonu o le Malumalu, Luka 2:42–49, “Saili Vave le Alii” (TT, 67)
- Ioane le Papatiso o loo Papatisoina Iesu, Mataio 3:13–17, “Papatisoga” (TT, 54–55)
- Ina O Atua ia Outou, Mataio 28:19–20, “Matou te Aumaia le Upu Moni i le Lalolagi” (TT, 92–93)
- Iesu o loo Faamaloloina sa Nifae, 3 Nifae 17:7–9, “Ou te Savali ma Oe” (TT, 78–79)

Molimau atu o Iesu Keriso ua na o le pau lea o le faataitaiga atoatoa e tatau ona tatou mulimuli ai.


**Uunaia le [agaga] malamalama (faitauina o se mau):** Oti se ata o le fatu mai se fasipepa ma tusi ai i luga Alofa le tasi i le isi. Ia tuu i

totonu o au tusitusiga paia i le tusi a Ioane 13:34. Ia valaaulia se tamaitiiti e vaai i totonu o au tusitusiga paia e sue ai le fatu. Ia faamalamalama atu o le mau lenei o loo aoao mai ai e Iesu le auala o loo finagalo o Ia tatou te fai i isi tagata. Tuu atu i tamaiti e sue le Ioane 13:34 i a latou lava tusitusiga paia, ona faitau faatasi lea.



Fuafua e tuu atu i tamaiti taitasi se fatu pepa ua tusi ai i luga le mau e tuu i totonu o a latou lava tusitusiga paia ma valaaulia i latou e faasoa atu lenei gaoioiga i o latou aiga.

**Uunaia le faaogaaga (usuina o se pese ma fefaasoaai manatu):** Tuu atu i tamaiti e fai se lio se tasi pe sili atu foi. (Afai e lava le avanoa o le potu, ia fai ni laina se lua o tamaiti ona faafesagai lea.) Tuu atu i vaega taitasi se manoa ua faapona le tulimanu, ma ua tui atu i se faamau. A o usuina le pese “Ia Fealofani” (TT, 74), tuu atu i tamaiti e faasolo le faamau i le manoa. Ia taofi i soo se taimi le musika ma fesili atu i le tamaitiiti (po o tamaiti) o loo uuina le faamau e faasoa atu se auala se tasi e mafai ona faaali atu ai lo latou alolofa i isi. Ia faai i le valaaulia o nisi o tamaiti e faasoa atu ia se taimi na faaali atu ai e nisi le alofa ia i latou.



**Fesoasoaniga mo le taitai musika**

Ina ia fesoasoani i tamaiti e aoao le pese “Mulimuli Mai, Ia te Au” (Viiga, nu. 62), ia mafaufau i mea nei:

- Ia uunaia tamaiti e faataitai atu ia te oe a o e tago i lou isu, lulu ou lima, ma piilima ou lima. Ta'u atu ia i latou e mafai ona tatou mulimuli ia Iesu i le faia o mea na Ia faia. Tuu atu ia i latou e tata le fati o le pese i le

tata o ni tamatamailima se lua i le alofilima o le isi lima a o taina le musika.

- Ia saunia ni tulagavae e tusia ai luga ia upu o le pese. Ia valaaulia tamaiti e faapipii taitasi ia tulagavae i luga o le laupapa a o e usuina ma latou faataitai atu ia te oe i fasifuaiupu taitasi o le pese. Ia faatulaga tulagavae ina ia oo atu ai i le ata o le Faaola.

Diagram showing words in thought bubbles:

- "Mulimuli mai"
- le fetalaiga
- Na o lea
- Ma le Alo,
- ia te au,"
- a Iesu
- tatou te tasi ai
- o le Matai.

**Kiliki i i mo tulagavae.**

*E mafai e taitai musika ona faaauai tamaiti i le aoaoina o aoaoga faavae o le pese a o faia e tamaiti se sootaga o upu, le musika, ma mea faitino. I vaiaso e sosoo mai, e mafai e tamaiti ona aveese tulagavae seia oo ina latou maua le pese.*

# O Iesu Keriso O Le Alo o le Atua, ma o Ia O Se Atua o Vavega

**O se pese e te filifilia mai le Tusipese a Tamaiti**

**Motugaafa:** *E aoao e tamaiti e ala i le faia [o se mea]. Fai i tamaiti e faaaoga taga e faamatala ai se tala. Ia faataitai faatasi ma tamaiti ia taga ae e te lei faamatalaina le tala. O lenei faiga o le a mafai ai e tamaiti ona faalogo ma taulai atu i le tala a o faamatalaina.*



*“Aua faauta, o Au o le Atua; o Au foi o le Atua o vavega; . . . ou te le faia foi se mea e tasi i le fanauga a tagata sei iloga e tusa ma lo latou faatuatua” (2 Nifae 27:23)*

**Ia faapoopo ni ou manatu i manatu ua tuuina atu iinei. Ia fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma pe mafai faapefea ona ou fesoasoani ia latou lagonaina le Agaga?”**

## Vaiaso 1: O Iesu Keriso o se Atua o vavega.

**Faailoa atu le aoaoga faavae (taaalo i se taaloga o taumatematega):** Tusi ni laina laiti se valu i luga o le laupapa, e tasi le laina mo mataitusi taitasi o le upu *vavega*. Fai atu i tamaiti e mate mai po o le a le upu. Faatumu le mataitusi muamua ma fai atu i tamaiti e toe mate mai le upu. Tusi le mataitusi lona lua ma toe fai atu e mate mai le upu. Ia fai pea mo mataitusi e sosoo ai seia oo ina mateia le upu. Ta'u atu i tamaiti o se vavega o se mea maoae lea na faia e ala i le mana o le Atua. Vaevae tamaiti i vaega. Tuu atu i vaega taitasi se seti o fasipepa ua tusia ai upu nei: *o vavega, e faaali, ai o loo ia, Iesu Keriso, le*

*mana, i le lalolagi.* Tuu atu i vaega taitasi e faatulaga sa'o ia upu. ([Kiliki i i mo uputusi.](#))

**Uunaia le [agaga] malamalama (faalogo- logo i tala mai tusitusiga paia):** I au lava upu, ia faasoa atu tala e uiga ia Iesu o loo faatoa filemuina le afa (Mareko 4:36–39) ma le faatumulia o upega i i'a (Luka 5:1–11). Fai i tamaiti e fai taga e o faatasi ma tala (e pei o le faataitaia o le matagi ma galu o le sami ma le aoina mai o upega e leai ni i'a ma upega e tutumu i i'a). I tala taitasi ia molimau atu i ala na faaalua ai o Iesu Keriso o loo i ai le mana i le lalolagi. Tuu atu i tamaiti e talanoaina auala e fesoasoani ai nei vavega i tagata e limavaivai.

## Vaiaso 2: E mafai e Iesu Keriso ona faamalolo i e mamai.

**Uunaia le [agaga] malamalama (tusiu o ata):** Vaevae tamaiti i ni vaega. Fai atu i se faiaoga i vaega taitasi e faitau pe faamatala se tala mai tusitusiga paia lea na faamaloloina ai e Iesu se tasi, e pei o alii tauaso e toalua (Mataio 9:27–31), o se tagata ma'i (Ioane 5:1–9), o lepela e toasefulu (Luka 17:12–19), po o le atalii o se alii taua (Ioane

4:46–53). Ia tofi ni tamaiti e tusi ni ata e faamatala ai le tala. Atonu e mafai ona e fai atu i ni nai tamaiti e fetufaai atu a latou ata ma tala ma le Peraimeri atoa. A o faamatala atu a latou tala, fai atu i ai e vaai faalemafaufau i lagona na maua e tagata na faamaloloina e Iesu. Faatonu tamaiti e fetufaai atu a latou ata i o latou aiga i le fale.

## Galulue i ni Vaega Laiti

*O le galulue i ni vaega laiti o le a faaaui ai le toatele o tamaiti i le aoaoga. I le taimi o le fetufaaiga, ua nonofo lava tamaiti i vaega o a latou vasega. E mafai ona faaoga nei vaega mo gaoioiga a ni vaega toailaiti.*



### Vaiaso 3: E i ai le mana o Iesu Keriso i le oti.

**Uunaia le [agaga] malamalama (faalologo i tala mai tusitusiga paia):** Ia valaaulia nisi o tagata o le uarota e o atu i le Peraimeri ma faamatala faapuupuua ia tala nei e faapei o i latou o ni molimau i mea na tutupu: o le toe faatuina mai o Lasalo (Ioane 11:1–45); o le toe faatuina mai o le afafine o Iairo (Mareko 5:21–24,

35–43); o le toe faatuina mai o le tama a le fafine ua oti lana tane (Luka 7:11–16); ma le Toetu (Ioane 20:1–18). E mafai ona fai e tagata o le uarota ni teuga faigofie e pei o se sikafu i le ulu po o se ofutalalao. Ia uunaia i latou e molimau atu o loo i ai ia Iesu Keriso le mana i le oti, ma o le a toetutu mai i tatou uma taitoatasi.



### Vaiaso 4: E oo mai vavega ia i latou o e faatuatua.

**Faailoa atu le aooga faavae (faitauina o se mau):** Tusi i luga o le laupapa le Mataupu Faavae ma Feagaiga 63:9: “A e faauta, e le oo mai le faatuatua i faailoga, a e mulimuli atu faailoga i e talitonu.” Ia faamalamalama atu o le upu *faailoga* i le mau lenei e mafai foi ona faauigaina o *vavega*. Tuu atu i tamaiti e tutu ma faitau faatasi ma le leotetele le mau. Ia faasino atu le upu *faatuatua*. Ia faamalamalama atu o vavega e le faapea o taimi uma o ni mea iloga e tutupu, ma e tatau lava ona i ai muamua so tatou faatuatua, ma o le a faapea ona tatou iloa ai vavega i o tatou olaga. Ia faamalamalama atu, e ui ina i ai o tatou faatuatua, tatou te oo pea lava i faanoanoga, tiga, ma mafatiaga, ae ua silafia e le Atua o tatou manaoga ma o le a tausia i tatou.

**Uunaia le [agaga] malamalama (faalologo i tala mai tusitusiga paia):** Ia faamatala i au lava upu le tala ia Mose lea na aioi atu ia Farao e tuu atu le nuu o le Atua e o ese ma Aikupito (Esoto 7–10). A o lei amataina le tala, ia valaaulia tamaiti e faataitai ona faia ni leo po o ni taga e o faatasi ma nisi o mala. Mo se faataitai, e mafai ona faaminoi e tamaiti o latou lima ma fai le pao o se vaitafe, ia valu solo o latou tino e faatusa i

utu, tagi e pei o se povi, pe oi e faatusa i ma'i fulfula. Fai atu i tamaiti e faalogologo lelei a o e faamatalaina le tala. Fai atu i ai a sii i luga lou lima ona latou faia lea o le pao po o le gaoioiga e faatusa i le mala o loo e faamatalaina atu, ae a tuu i lalo lou lima ona taofi lea. A uma ona e faamatalaina mala taitasi, ia fai atu i tamaiti na musu lava Farao e tuu atu le nuu e o. Na vaai Farao i le tele o vavega ma faailoga, ae sa le talitonu lava i le Atua. Ia faatusatusa le tala lenei i se faataitai o se vavega na tupu ona o le faatuatua (mo se faataitai, o Elia ma le fafine Sarefata ua oti lana tane, o Tanielu ma leona, o le uso o Iareto, o Nifae ma Liae i le falepuipui). Afai e lava le taimi, tuu atu i tamaiti e o mai i luma e faatino taga e o faatasi ma le tala.

**Uunaia le faaogaaga (faalogologo i failauga faapitoa):** Ia valaaulia se aiga se tasi pe lua o le uarota e faasoa atu ni aualea ua faamanuiaina ai i latou i vavega ina ua latou faatuatua ia Iesu Keriso. (Ia talosaga mamao atu i aiga ina ia lava se taimi latou te saunia ai.) Molimau atu pe a tatou faatuatua, o le a tatou vaai i ni vavega i o tatou olaga.

**Motugaafa:** *A fetufaai atu e tamaiti mea latou te aoaoina i le Peraimeri i isi, e faamalolosa ai o latou malamalamaaga ma molimau e uiga i le aooga faavae. I le vaiaso 2 e uunaia i latou e faasoa atu mea ua latou aoaoina i le fale. O lenei faiga o le a maua ai ni avanoa mo talanoaga o le talalelei i le fale ma o le a faamalolosa ai le aiga.*

### Uunaia le [agaga] Malamalama

*A o faatino e tamaiti tala mai tusitusiga paia, o le a mafai ona latou manatua ma malamalama lelei ai.*



# Ou te Usitai ia Iesu Keriso Ona Ou te Alofa Ia te Ia

*“Afai tou te alofa mai ia te au, ia outou tausī mai i au poloaiga” (Ioane 14:15).*

**Ia faaopoopo ni ou manatu i manatu ua tuuina atu iinei. Ia fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma pe mafai faapefea ona ou fesoasoani ia latou lagonaina le Agaga?”**

**Motugaafa:** *O le taulotoina o mau e fesoasoani ai i tamaiti e aoao ai aoaoga faavae o le tala-lelei. O upu o tusitusiga paia e mafai ona avea ma pogai o le faamafanafanaga ma le taitaiga (tagai AALVSA, 181). I le vaiasio 1, e tolu mea o le a fesoasoani i tamaiti i le taulotoina o mau: faisoo, fuaiupu puupuu, ma mea e vaaia.*


## Vaiaso 1 ma le 2: Ou te faalia le alofa ia Iesu Keriso pe a ou tausīa poloaiga.

**Faailoa atu le aoaoga faavae (taulotoina o se mau):** Ina ia fesoasoani i tamaiti e tauloto le Ioane 14:15, tusi se ata o se fatu ma se ata e faalia ai Tulafono e Sefulu. Vaevae tamaiti i ni vaega se lua. Tuu i luga le ata o le fatu i luma o le isi vaega, ma tuu atu ia latou tutu i luga ma fai le faaupuga, “Afai tou te alofa mai ia te au.” Tuu i luma o le isi vaega le ata o Tulafono e Sefulu ma fai i ai e tutu ma fai mai, “Ia outou tausī mai i au poloaiga.” Ia toe fai mo ni nai taimi. O tamaiti e matutua atu e mafai ona a’o’ina le vaega muamua o le Ioane 14:21 (“O le ua ia te ia au poloaiga ma tausī i ai, o ia lea e alofa mai ia te au”) i le faiga lava lea e tasi.

**Uunaia le [agaga] malamalama (faatinoina o poloaiga):** Ia saunia ni fasipepa ua tusīa ai poloaiga taitasi (e pei o le faitau o tusitusiga paia, faia o lavalava talafeagai, ma le usitai i le Upu o le Poto). Tuu fasipepa i totonu o se koneteina, ma tuu atu i se tamaitiiti e filifili se fasipepa se tasi ma faatino se auala e tausī ai lea poloaiga.

Tuu atu i isi tamaiti e mate mai le mea o loo faia e le tamaitiiti. Usu le pese “Tausī Poloaiga” (TT, 68–69). A outou usuina le tali, tuu atu i le tamaitiiti e taitai isi tamaiti i le faatinoina o auala e mafai ona latou tausīa ai le poloaiga. Ia valaaulia ni nai tamaiti e fetufaaī atu ni auala o le a faamanuina ai i latou ona o le tausīa o lenei poloaiga.

**Uunaia le faaogaaga (faitauina ma le talanoaina o mau):** Faaali atu le “O Ou Tulaga Faatalalelei” ma toe faamanatu ia tulaga faatonuina faatasi ma tamaiti. Ia faamatala atu o nei tulaga faatonuina e faalia ai lo tatou alofa ia Iesu Keriso. Tusi mau taitasi nei i ni fasipepa: Esoto 20:7; Esoto 20:8–10; Esoto 20:12; Ioane 13:34–35; Mosaea 18:10; ma le Mataupu Faavae ma Feagiga 42:40–41. Vaevae tamaiti i ni vaega ma tufa atu i vaega taitasi se mau e faitau faatasi. Tuu atu ia i latou e faafetaui le mau i se tasi o tulaga faatonuina ma ia talanoaina pe faapefea ona latou ola i lena tulaga. Valaaulia i latou e fetufaaī atu o latou manatu i tamaiti uma o le Peraimeri.



**Kiliki i l mo ata tusi.**

## Taulotoina o Mau

*O le vaaia o ni ata a o faia ia mau o le a fesoasoani ai i tamaiti e tauloto.*



### Vaiaso 3: E tuputupu ae lou alofa ia Iesu Keriso pe a ou tatalo.

**Uunaia le [agaga] malamalama (faitauina ma le talanoaina o mau):** Vaevae tamaiti i ni vaega laiti. Tuu atu i vaega taitasi e faitau ma talanoa i mau nei, ma vaai pe o le a le aoaoga a le Faaola e uiga i le tatalo: 3 Nifae 18:19–20; Mataupu Faavae ma Feagaiga 19:28, 38; 88:63–64. Ia faamamafa atu ua aoao mai le Faaola ia tatou tatalo i le Tama Faalelagi i Lona suafa ma o lenei mea e fesoasoani tatou te lagona ai le latalata atili atu ia te Ia.

**Uunaia le [agaga] malamalama (valiina o se ata):** Fai se kopi o le ata o loo i le itulau 19 o le tusi lesona a le vasega pepe, mo tamaiti taitoatasi, *Vaai Ia I O Outou Tamaiti*. Fai i tamaiti e vali le ata ma ave i le fale e faasoa atu i o latou aiga.

**Uunaia le [agaga] malamalama ma le faaogaina (talanoaina o le tatalo):** Usu se pese e uiga i le tatalo mai le *Tusipese a Tamaiti*,

e pei “O Le Tatalo a le Tamaitiiti” (TT, 6–7) po o le “Matou te Ifo Atu” (TT, 18). Ia talanoa atu i tamaiti e uiga i le tuputupu ae o lou alofa i le Alii pe a e tatalo. Ia tusi i luga o le laupapa se siata e fa ni koluma. I le pito i luga o le koluma muamua, tusi ai *O Lo Tatou Tama Faalelagi*. I le pito i luga o le koluma lona lua, tusi ai *Faafetai ia te Ia mo faamanuiaga*. I le pito i luga o le koluma lona tolu, tusi ai *Ole atu ia te Ia mo faamanuiaga*. I le pito i luga o le koluma mulimuli, tusi ai *I le suafa o Iesu Keriso, amene*. Fai i tamaiti e lisi i vaega o a latou vasega ni faamanuiaga latou te faafetai ai. Ona fai lea i vaega taitasi e ta'u mai se faamanuiaga latou te faafetai ai a o e tusia lena faamanuiaga i le koluma 2. Ona sosoo ai lea ma le fai atu i tamaiti e talanoa e a latou vaega ni faamanuiaga e mafai ona latou ole atu ai i le Tama Faalelagi, ma tusi a latou tali i le koluma 3. Ia toe faamanatu vaega o le tatalo.



### Gaoioiga Valivali

*E le o tamaiti uma e fiafia e valivali. O nisi atonu o le a na o le faia lava o se maka se tasi pe lua i luga o le itulau. O le faamoemoega o gaoioiga valivali, ia tuu atu ai i tamaiti se faatusa vaaia o le lesona e mafai ona latou uuina ma ave i le fale.*

**Motugaafa:** *Fuafua au taimi o fetufaaiga ina ia faaafia uma ai tamaiti matutua ma tamaiti laiti. Mo se faataitaiga, i le vaiaso 3 o le gaoioiga muamua o le a sili atu ona manaia i tamaiti e matutua atu ae o le gaoioiga lona lua o le a sili atu le lelei mo tamaiti e laiti ifo.*

**Motugaafa:** *A faasoa atu e tamaiti auala e mafai ona latou faaogaina ai se aoaoga faavae, e faapea ona faamautu ai se savali i o latou loto ma valaaulia ai le Agaga. A uma ona e aoaoina atu se aoaoga faavae, tuu atu i tamaiti se avanoa e fetufaaai atu ai ni auala e mafai ona latou faaogaina ai i o latou olaga.*

### Vaiaso 4: E tuputupu ae lo'u alofa ia Iesu Keriso pe a ou suesue i tusitusiga paia.

**Uunaia le [agaga] malamalama (tusina o ata):** Faamatala atu le tala ia Keriso o loo faamaloloina ma faamanuiaina ia tagata o loo i le 3 Nifae 17:7, 9–12, 20–24, pe valaaulia tamaiti e matutua atu e faitau mai le mau. Tuu atu i tamaiti e tusi se ata e faaalua ai se mea mai le tala. Moli-mau atu i le auala ua tuputupu ae ai lou alofa ia Iesu Keriso ao e faitauina tusitusiga paia.

**Uunaia le faaogaina (usuina o se pese ma le talanoaina o mau):** Usu le pese “Saili Vave le Alii” (TT, 67). Tau atu i tamaiti e mafai

ona latou aoao atili e uiga ia Iesu Keriso i le faitauina po o le faalogologo i tusitusiga paia. Ona faamatala atu lea o le tala o loo maua i le Mareko 10:13–16 e uiga ia Iesu o loo faamanuiaina tamaiti laiti. Tuu atu i tamaiti e vaai faalemafaufau pe o a ni o latou lagona pe ana faapea na latou i ai iina. Tofi ni nai tamaiti e fetufaai atu o latou manatu. Ia faamalalama atu e mafai ona latou lagonaina le latalata atu i le Faaola e ala i le faitau e uiga ia te Ia i tusitusiga paia.

# O Le Misiona a le Ekalesia O Le Valaaulia Lea o Tagata Uma ia O Mai ia Keriso

*“Ioe, o mai ia ia Keriso, ina ia faaatoatoaina outou e ia” (Moronae 10:32).*

**la faapoopo ni ou manatu i manatu ua tuuina atu iinei. la fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma pe mafai faapefea ona ou fesoasoani ia latou lagonaina le Agaga?”**

**Motugaafa:** *O le a sili atu ona aoao ma manatua umi e tamaiti pe a e tuuina atu ni manatu e faaoga ai ata ma isi mea faitino vaaia (tagai AALVSA, 185, 191–92). O tamaiti lava foi e mafai ona avea o ni fesoasoani mataalia ma aoga. Fuafua e valaaulia se faifeautalai faamisiona e sau i le Peraimeri pe tuu atu i se tamaitiiti e fai ni lavalava e pei o se faifeautalai nai lo le faaali atu o se ata o se faifeautalai.*



## Vaiaso 1: O le a fesoasoani le mulimuli i le perofeta tatou te o mai ai ia Keriso

**Faailoa atu le aoaoga faavae (faitauina o se mau ma le vaaia o ata):** Tuu atu i tamaiti e tutu ma faitau faatasi le Mataupu Faavae ma Feagaiga 1:38. Ia faamalalama atu o perofeta o auauna ia a Iesu Keriso. Ia faaali atu ata o le Faaola ma le perofeta o loo i ai nei, ma ta’u atu i tamaiti a tatou mulimuli i le perofeta ua tatou mulimuli foi ia Iesu Keriso.

**Uunaia le faaogaaga (usuina o se pese):** Usu le fuaiupu e 9 o le “Mulimuli i le Perofeta” (TT, 58–59). Vaevae tamaiti i ni vaega ma tuu atu ia i latou e filifili se mea se tasi pe lua ua latou aoaoina mai perofeta soifua ma aposetolo i le taimi o le konafesi aoao. Tuu atu i se vaega se tasi e faitino le mea na latou aoaoina. Tuu atu i isi tamaiti e mate mai le mea o loo latou faia. Toe fai mo vaega taitasi, usu le tali o le “Mulimuli i le Perofeta” e tova ai vaega taitasi.

## Vaiaso 2: O le fetufaaai atu o le talalelei e fesoasoani ai i isi e o mai ia Keriso.

**Faailoa atu le aoaoga faavae (faitauina o mau):** Faapipii se ata o se faifeautalai faamisiona i luga o le laupapa. Tau atu i tamaiti o le a latou faitauina ni mau e uiga i le galuega faaifeautalai. Tofi le afa o tamaiti e faitau le Matai 28:19–20 ae o le isi afa e faitau le Mataupu Faavae ma Feagaiga 133:37. Ia valaaulia i latou e ta’u mai mea ua latou iloa e uiga i le galuega faaifeautalai mai ia mau, ma ia talanoaina ma le Peraimeri atoa. Fai i tamaiti o i ai ni tagata o o latou aiga o loo faamisiona i le taimi nei e

faamatala atu o latou lagona e uiga i le galuega faaifeautalai.

**Uunaia le [agaga] malamalama ma le faaogaaga (talanoaina o le galuega faaifeautalai):** Tuu atu i tamaiti e tutu ma usu le pese “Faamoemoe Latou te Valaau Au i le Misiona” (TT, 91). Tau atu i tamaiti e finagalo le Tama Faalelagi ia talai atu le talalelei i le lalolagi atoa ma e mafai ona latou saunia i le taimi nei e avea ma ni faifeautalai. Ia tuu i totonu o se koneteina ni mea faitino o le a faamanatu ai i tamaiti auala e mafai ona latou saunia ai e auauna atu i se misiona, e pei o tusitusiga paia, seevae mo le Aso Sa, o se lisiti sefuluai, ma se fatu e fai i pepa. Tuu atu i se tamaitiiti e filifili se mea faitino mai le koneteina ma faamatala atu pe mafai faapefea ona latou saunia e avea ma ni faifeautalai i le faia o le mea ua faatusa i ia mea faitino.



## Aoaoina e ala i le Faisoo

*O tamaiti e aoao e ala i le faisoo ma le luitauina. O i e toe fai ai e tamaiti le mau ma lu’i i latou e tuu ia upu i le faasologa sa’o.*

### Vaiaso 3: Tatou te o mai ia Keriso e ala i le salamo pe a tatou faia se mea sese.

**Faailoa atu le aoaoga faavae (faitauina o se mau):** Faaali atu se ata o Iesu Keriso i luga o le laupapa. Fesoasoani i tamaiti e tauloto le “Toe, o mai ia ia Keriso, ina ia faaatoatoaina outou e ia” (Moronae 10:32). Tusi ia upu taitasi o le mau i luga o ni fasipepa. Faapipii i soo se faasologa lava ia fasipepa i luga o le laupapa. Valaaulia tamaiti e sue le mau ma ia outou faitauina faatasi. Tuu atu i se tamaitiiti e sue le upu muamua o le mau ma tuu i le faasologa sa’o i luga o le laupapa. Toe faitau le mau, ma valaaulia se isi tamaitiiti e sue le isi upu e sosoo ai. Ia fai pea seia i ai upu uma i le faasologa sa’o. Ia faamatala atu i tamaiti o le o mai ia Keriso o lona uiga o le i ai o le faatuatua ia te Ia, ia tausi Ana poloaiga, ia osifeagaiga, ma ia salamo pe a tatou faia ni mea sese.

**Uunaia le [agaga] malamalama ma le faa-aoaga (talanoaina o tulaga faatusa e aoao ai):** Ia faamalamalama atu, o le Togiola a Iesu Keriso, ua mafai ai ona tatou salamo pe a tatou faia se mea sese. Ia oti ni tulagavae se fa mai se pepa, ma ia tusi i luga o tulagavae taitasi se vaega se tasi o le salamo: (1) lagona le faanoanoa, (2) ole atu mo se faamagaloga, (3) faasa’o le mea na sese, ma le (4) aua le toe faia le mea sese. Tuu ia tulagavae i luga o le fola ia tau atu i le ata o Iesu Keriso, ma fai i tamaiti e mulimuli i ai. Vaevae tamaiti i ni vaega ma tuu atu i vaega taitasi se tulaga faatusa e aoao ai e faamatala ai se mea e tatau ona salamo ai se tamaitiiti. Mo se faataitaiga, “E le usitai se tasi i ona matua e ala i le kikiina o se polo i totonu o le fale, ma

ta’e ai se mea.” Fai i ai e talanoa pe faapefea ona latou faaogaina ia laasaga taitasi o le salamo.



**Kiliki i i mo tulagavae.**

### Uunaia le Faaogaaga

*E aoao tamaiti pe a latou faaalua auuala e mafai ona latou faaogaina ai mataupu faavae o le talalelei i o latou olaga.*

**Motugaafa:** *O tulaga faatusa e aoao ai o ni tulaga moni e tutupu i le olaga e fesoasoani i tamaiti e mafaufau i ai ma talanoa i mea e mafai ona latou faia i tulaga talitutusa faapena (tagai i le vaiaso 3). E mafai ona fesoasoani tulaga faatusa e aoao ai e faaali atu le ala e faaoga ai mataupu faavae o le talalelei (tagai AALVSA, 170).*




**Motugaafa:** *“Pe a tatou faaalua le alofa ia i latou tatou te aoaoina, ona atili gauai atu ai lea o i latou [ma i tatou] i le Agaga” (AALVSA, 33). E mafai ona faateleina lou alofa i tamaiti a o e tatalo mo i latou taitoatasi, ia iloa mea latou te fialia i ai ma o latou popolega, valaau i latou i o latou igoa, ma faalogo atu ma le totoa ia i latou.*

### Vaiaso 4: O galuega faalemalumalu e fesoasoani ia te au ma lo’u aiga e o mai ai ia Keriso.

**Uunaia le [agaga] malamalama (usuina o se pese):** Aoa atu le fuaiupu e lua o le “Ou te Fia Vaai i le Malumalu” (TT, 99). Faaali atu se ata o se malumalu o loo natia i tua o ni fasipepa se valu. I fasipepa taitasi, tusi ai upu po o se ata o se tasi o mea nei: o se fatu, o se faitotoa o loo matala, o le upu *feagaiga*, o le upu *usitai*, ma upu *nofoaga paia*, o le upu *faamauina*, o se ata o se tamaitiiti, ma se ata o se aiga. Ta’u i tamaiti o ni faaataataga nei i se pese. Ia valaaulia i latou e faalogologo totoa a o e usuina se laina se tasi o le pese. Fesili atu i ai po o le fea le faaataataga e o faatasi ma le laina lena, ma ia valaaulia se tamaitiiti e aveese le fasipepa lena. Toe usu faatasi ma tamaiti le laina lena, ma faamalamalama atu i ai lona uiga. E mafai ona e

valaaulia i latou e fai se taga e faatatau i le laina lena. Ia toe fai faapena mo laina taitasi o le pese. A uma loa ona aveese pepa na pupuni ai le ata, ona usu atoa lea o le pese ma fai ia taga. Ta’u atu i tamaiti e mafai ona latou saunia nei ia agavaa e o atu i le malumalu pe a latou matutua ma o le faia o lea mea o le a latou latalata atili atu ai ia Iesu Keriso.



**Kiliki i i mo tusigaata.**

# A Tatou Auauna Atu i Isi, Ua Tatou Auauna Atu i le Atua

*“Pe a i ai outou i le galuega a o outou uso ua na ona i ai outou i le galuega a le Atua” (Mosaea 2:17).*

**Motugaafa:** O nisi o tala faatusi paia e manaomia le fetuunai i le matutua o tamaiti. A o e aoaoina atu le tala i le Samaria agalelei i le vaiaso 1, e taua tele le faamalamalama atu afai e manaomia pe talosaga atu se tagata e le masani ai mo se fesoasoani, e tatau i se tamaititi ona maua muamua mai se lagolago a se tagata matua faatuatuaina.

la faaopoopo ni ou manatu i manatu ua tuuina atu iinei. la fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma pe mafai faapefea ona ou fesoasoani ia latou lagonaina le Agaga?”

## Vaiaso 1 ma le 2: Na aoao mai e Iesu Keriso ia i tatou le ala e auauna atu ai i isi.

**Uunaia le [agaga] malamalama (auai i le faatinoga o se tala):** Ta’u atu i tamaiti na i ai se aso na fesili atu ai se alii ia Iesu, “O ai lo’u tuaoi?” Na tali atu Iesu ia te ia i le faamatalaina o se tala o loo aoao mai ai i tatou i le auala e auuuna atu ai i isi. Ia valaaulia ni nai tamaiti e fai ni teuga faigofie e faailoa ai tagata mai le faataoto i le Samaria agalelei: o se tagata malaga, o ni tagata gaoui, o se ositaulaga, o se sa Levi, o se Samaria, ma se pule o le faletalimalo. Faamatala le tala i au lava upu (tagai Luka 10:30–37) ona fesoasoani lea i tamaiti e faatino. Fesili atu i tamaiti: “O le a le mea o loo aoao mai e lenei tala po o ai o tatou tuaoi? O ai e tatau ona tatou auauna atu i ai?” Ia faailoa atu o o tatou tuaoi o soo se tagata lava e manaomia le fesoasoani. Faamalamalama atu i tamaiti e mafai ona latou auauna atu i a latou uo ma tagata o aiga i taimi uma, ae e tatau ona latou auauna atu i tagata latou te le

iloaina pe afai lena o loo latou i ai faatasi ma se matua ma se isi tagata matua faatuatuaina. Moli-mau atu e alofa Iesu Keriso i tagata uma ma e finagalo ia tatou auauna atu i soo se tasi.

**Uunaia le faaogaaga (fuafuaina o auunaga mo le aiga):** Ta’u atu i tamaiti e finagalo Iesu ia tatou auauna atu i isi, e aofia ai tagata o o tatou aiga. Otioti ni li’o pepa laiti ma tuu atu i tamaiti taitoatasi ni nai li’o pepa. Tuu atu ia i latou e tusi se foliga ataata i luga o lio taitasi e faia ai le “Ataata o Auaunaga.” Ia uunai tamaiti e faatino ni nai auunaga laiti mo tagata o o latou aiga i le vaiaso a sau. Ia palepalealuga faatasi i ni galuega e mafai ona latou faia (e pei o le tuua o se faamatalaga agalelei [mo se tasi], teu ese meataalo, pe tapena se moega). Tuu atu i tamaiti e tuu se “Ataata o Auaunaga” i le mea na faatinoina ai le auunaga. Ia valaaulia i latou e fai i o latou aiga ia latou



**Motugaafa:** O le taimi o le fetufaaiga e mafai ona maua ai avanoa mo le lagolagoina o le polokalama o le Faatuatua i le Atua. O le gaoioiga o auunaga o loo i vaiaso 1 ma le 2 o le a fesoasoani e ausia ai sini o loo i itulau 8–9 o tusitaiala o le Faatuatua i le Atua.



## Vaai Faalemafaufau i Tala Faaletusi Paia

*O teuga faigofie e faia i mea e maua i aso uma o le a fesoasoani i tamaiti e vaai faalemafaufau ai i le tala faaletusi paia lenei.*

auai faatasi i lenei gaioiga. Ia uunaia tamaiti ia saunia e fetufaai atu i le Peraimeri i le vaiaso a sau pe na faapefea ona fesoasoani a latou auuunaga e aumaia ni ataata i o latou aiga.

**Uunaia le [agaga] malamalama ma le faa-aogaaga (lipoti atu e uiga i auuunaga):** Ia valaaulia tamaiti e toe faamatala le tala i le Samaria agalelei i a latou lava upu. Ia faaoga ia teuga na outou faaogaina i le vaiaso ua mavae e fesoasoani latou te manatua ai le tala. Ona tuu atu lea i tamaiti se avanoa e lipoti atu ai e uiga i a latou “Ataata o Auuunaga” mai le vaiaso ua tuana'i.

O se tasi o auala e fai ai o le fatuina lea o se uili e pei ona faaali atu iinei, ua lisi uma ai vasega o lau Peraimeri. Vili le uili ma valaaulia se tamaiti se toatasi pe toalua i le vasega ua faaalua i le uili e lipoti atu i a latou auuunaga ma auala na fesoasoani latou te lagona ai ma lagona ai e isi le fiafia. Ia toe fai pe a lava le taimi.



**Killiki i i mo tusigaata.**

## Toe Faamanatu le Aoaoga Faavae

*O le toe faamanatuina o aoaoga faavae i ni auala malie e fesoasoani ai i tamaiti e manatua mea na latou aoaoina.*

### Vaiaso 3: A ou auuuna atu i lo'u aiga, ua ou auuuna atu i le Atua.

**Faailoa atu le aoaoga faavae (taulotoina o se mau):** Tusi i luga o le laupapa le “Pe a i ai outou i le galuega a o outou uso ua na ona i ai outou i le galuega a le Atua” (Mosaea 2:17) ma talanoa i lona uiga. Fesoasoani i tamaiti e tauloto le mau i le vaevae lea o le mau i ni vaega se lua ma tuu atu i le afa o tamaiti e fai le vaega muamua (“Pe a i ai outou i le galuega a o outou uso”) ae o le isi afa i le vaega lona lua (Ua na ona i ai outou i le galuega a le Atua”). Ia toe fai i ni nai taimi.

**Uunaia le [agaga] malamalama (usuina o se pese):** Usu le pese “Pe A Tatou Fesoasoani” (TT, 108), ae sui le upu *auuuna atu* mo le upu *fesoasoani*. Toe usu le pese, ae sui isi tagata o le aiga mo *tina* (mo se faaitaiga, o tama, tuagane, ma le uso). Ia valaaulia tamaiti e faatino i le faiga

o taga se auuunaga e mafai ona latou faia mo lena tagata o le aiga a o latou pepese. Faamanatu atu i tamaiti a tatou auuuna atu i isi, ua tatou auuuna atu i le Atua.

**Uunaia le faaogaaga (talanoaina o avanoa e auuuna atu ai):** Tusi se ata o le uati i luga o le laupapa. Vaevae tamaiti i ni vaega ma tofi atu i vaega taitasi ni taimi eseese o le aso. Tau atu i tamaiti e mafai ona latou auuuna atu i o latou aiga i soo se taimi o le aso. Fai atu i tamaiti, “Tiki, tiki, tiki, tiki, ua ta le \_\_\_\_\_ e auuuna atu ai!” Ia valaaulia le vaega na tofia i lena taimi e tutu i luga, ma tuu atu ia i latou e faamatala mai se auala se tasi e mafai ona latou auuuna atu ai i o latou aiga i lena taimi o le aso. Ia toe fai seia oo ina tofu avanoa uma vaega.

**Motugaafa:** *O le tuu atu i tamaiti e auai i ni auala eseese o le a sili atu ona malie ai le aoaoina. Taumafai e faaoga ni nai auala eseese e vaevae ai tamaiti, e pei o teine ma tama, o i latou o ofuina ni lanu faapitoa, po o i latou o o latou aso fanau e pau i le vaega muamua ma le lona lua o le tausaga.*

### Vaiaso 4: A ou auuuna atu i ou tuaoi, ua ou auuuna atu i le Atua.

**Uunaia le [agaga] malamalama (vaaia o faaitaiga o auuunaga):** Tuu atu i se taitai o le Peraimeri e sau i totonu o le potu ma faafoliga ua lofituina ma manaomia moni se fesoasoani. Mo se faaitaiga, atonu e toulou ni mea ia te ia, taumafai e tauave ni mea se tele, po o le faana'ina o se pepe. Tuu i tamaiti e fautua atu ni auala e mafai ona faaoga ai o latou “lima fesoasoani” e fesoasoani atu ai ia te ia. Faamanatu atu i tamaiti o le tala i le Samaria agalelei, na aoao mai ai Iesu ia tatou auuuna atu i isi. Faaali atu ni ata o tamaiti o loo manaomia le fesoasoani. Fuafua e faaoga ata mai taga ata o le tusi lesona a le Peraimeri. Ia valaaulia tamaiti e faamatala atu ni auala e mafai ona latou fesoasoani ai i nei tulaga. Toe fai le afa muamua o le Mosaea 2:17, ma tuu atu i tamaiti e toe fai le afa lona lua.

**Uunaia le [agaga] malamalama (fuafuaina o auuunaga mo tuaoi):** Tuu atu i tamaiti e lolomi ata o o latou lima i luga o se pepa ma tusi ai i o latou “lima fesoasoani” se auala e

mafai ona auuuna atu ai o latou aiga i o latou tuaoi. Ia uunaia i latou e fai lenei auuunaga ma o latou aiga i se taimi o le vaiaso. Faaali atu lima i luga o se laupapa puletini po o se puipui i se mea e faamanatu atu ai i tamaiti auala e mafai ona latou auuuna atu ai.

**Uunaia le [agaga] malamalama ma le faaogaaga (usuina o se pese):** Fai i se tamaitiiti e alu atu i luma o le potu e faatusatusa ona lima ma ou lima. Ia ta'u atu o ona lima e laiti tele nai lo ou lima. Fai ni fesili e pei o le, “E mafai e o'u lima tetele ona piki i luga mea-taalo. Mata e mafai e ou lima laiti?” Ia faaauai tamaiti uma i le tuu lea e faatusatusa o latou lima ma lima o o latou faiaoga. Ia ta'u atu e mafai e o latou lima ona faia ni galuega auuuna atu e ui lava ina laiti. Usu le pese “E I ai O'u Lima Laiti e Lua” (TT, 126). Ia valaaulia tamaiti e piilima a o latou pepese. A latou ta'uina le upu *lima*, ona sii ae uma lea o lima i luga o le ea ma toe vave piilima.

# Ou te Iloa o Loo Soifua Lo'u Faaola

*“O lenei, ina ua uma ona faia molimau e tele e uiga ia te ia, o le molimau tupito mulimuli lenei o mau uma lava, ma te faia ia te ia: O loo soifua o ia!” (MFF 76:22).*

*la faaopoopo ni ou manatu i manatu ua tuuina atu iinei. la fuafua ni auala e faailoa atu ai le aoaoga faavae i tamaiti ma fesoasoani ia latou malamalama i ai ma faaoga i o latou olaga. Fesili ifo ia te oe lava, “O le a se mea o le a fai e tamaiti e aoao ai, ma e mafai faapefea ona ou fesoasoani ia latou lagonaina le Agaga?”*

**Motugaafa:** *E sili atu ona lelei le tali atu o tamaiti i mea faitino. Fuafua e faaoga ni mea faitino eseese, e aofia ai ni aitema faitino, ata tusi i luga o le laupapa, fasipepa o upu, laupapa ie mamoe, ma papeti (tagai AALVSA, 96–97).*

**Motugaafa:** *E sili atu ona manatua e tamaiti mea na latou aoaoina pe a latou aoao atu i isi. Mafaufau i ni auala latou te faia ai lenei mea i le taimi o le fetufaaiga po o le fale.*



## Vaiaso 1: Na afio mai Iesu Keriso i le lalolagi e pei ona folafolaina mai e perofeta.

**Faailoa atu le aoaoga faavae (talanoaina o aso fanau):** Fai atu i tamaiti: “Mafaufau i se taimi na faamanatuina ai lou aso fanau i se auala faapitoa. O a au mea sa fai?” Faataga ni nai tamaiti e talanoa atu e uiga i o latou aso fanau. Faamatala atu na ta'u mai e le Tama Faalelagi ma Ana perofeta i le lalolagi, mai lava i le amataga o taimi, e uiga i le fanau mai e aupito taua i le talafaasolopito o le lalolagi—o le fanau mai o Lona Alo o Iesu Keriso. Ia faamalalamalama atu o lenei savali sa matua taua lava ma o lea na naunau ai perofeta e tuuina mai o latou ola e molimau atu ai o le a afio mai Keriso. Tuu atu i tamaiti e toe fai le fasifuaitau “Na afio mai Iesu Keriso i le lalolagi e pei ona sa folafolaina mai e Perofeta.”

**Uunaia le [agaga] malamalama (faatinoaina o tala faatusi paia):** Ia faaali atu ni ata o ni nai perofeta o e na aoao mai o le a afio mai Iesu Keriso. Vaevae tamaiti i ni vaega ma tuu atu i vaega taitasi se mau e faamatala ai se tala o se aoaoga a se tasi o perofeta. Tuu atu i vaega e auauai i le faatinoaina o tala (tagai AALVSA, 174–75) a o faailoa mai e le Peraimeri atoa po o ai le perofeta o loo latou faaalia. O perofeta e mafai ona aofia ai le Tupu o Peniamina (Mosaea 2:1, 5–7; 3:5–8), Apinati (Mosaea 12:1, 9; 15:1–2; 17:1, 8–10), ma Samuelu le sa Lamana (Helamana 14:1–5; 16:1–2). Molimau atu na afio mai Iesu Keriso i le lalolagi ma o valoaga e faatatau ia te Ia na faataunuaina lava.

## Vaiaso 2: O Iesu Keriso o le Faaola o le lalolagi.

**Uunaia le [agaga] malamalama ma le faaogaaga (talanoaina o ata ma mea faitino):** aumai ni atigipusa se fa ua affiina e pei o ni meaalofo. O atigipusa taitasi e tatau ona i ai se ata po o se mea faitino e faatusa i ai se tasi o mea na tupu ma se fasipepa o loo i ai se faamalalamamaga o le faamanuiaga po o le meaalofo o loo faaalia ai.

- Mea na tupu: o le fanau mai o Iesu; meaalofo: “Na tuuina mai e le Tama Faalelagi ia Lona Alo Pele e Toatasi e ave ma o tatou Faaola.”
- Mea na tupu: o le Lauga i luga o le Mauga, meaalofo: “Na aoao mai Iesu Keriso ia i tatou ina ia tatou ola amiotonu.”
- Mea na tupu: o Iesu o loo tatalo i Ketesemane; meaalofo: “O Iesu Keriso ua mafai ai ona laveai i tatou mai le agasala.”

- Mea na tupu: o le Toetu; meaalofo: “O Iesu Keriso ua mafai ai ona tatou toetutu.”

Tuu atu i se isi tamaitiiti na te talaia atigipusa taitasi, ma talanoaina auala ua faamanuiaina ai i tatou i nei meaalofo.

**Uunaia le faaogaaga (tusitusi po o le tusiata):** Ia talanoaina ni auala e tuuina atu ai ni meaalofo i le Faaola e ala i le auuina atu i isi ma le faaalia o le alofa ia i latou (tagai Mataio 25:40). Tuu atu i tamaiti taitasi se fasipepa ma valaaulia i latou e tusitusi pe tusi ai se ata o se meaalofo se tasi o le a latou tuuina atu i le Faaola. Ona gaugau faaafa lea o le pepa ma teuteu le pito i fafo e pei o se meaalofo.

### Vaiaso 3: O le a toe afio mai i se aso Iesu Keriso i le lalolagi.

**Uunaia le [agaga] malamalama (faitauina o mau ma le faatinoina o tala):** Ta'u atu i tamaiti o le a latou faia se lipoti o se tala fou fiafia e faapea, o le a toe afio mai i se aso Iesu Keriso i le lalolagi. Filifili ni tamaiti se toalua e faafoliga o ni tagata faasalalau i le TV po o le nusipepa, o e o le a tuuina atu ni fesili i vasega taitasi. Tuu atu i vasega taitasi se fesili se tasi pe lua o nei fesili, ma mau faasino ma ni nai minute e saunia ai: O a nisi o faailoga o le Afio Mai Faalua o Iesu? (Iosefa Samita—Mataio 1:28–29); O le a faapefea ona afio mai o Ia? (Mataio 24:29–31); O afea o le a afio mai ai o Ia? (Mataio 24:36, 42, 44); O le a le mea o le a tupu i tagata amiotonu pe a afio mai o Ia?

(MFF 88:96–97); O le a faapei le malo pe a mavae Lona afio mai? (Mataupu Faavae o le Faatuatua 1:10; MFF 29:11; 45:58–59); O le a faapei meaola pe a mavae Lona afio mai? (Isaia 11:6–9; Hosea 2:18). Tuu atu i tamaiti e toalua o loo fai ma tagata faasalalau e auuui e tuuina atu ni fesili, ma tuu atu i vaega taitasi e tali i ai.

**Uunaia le faaogaaga (talanoaina ma pepese):** Ia talanoaina ma tamaiti ni auala e mafai ona tatou saunia ai mo le toe afio mai o Iesu. Ia faamamafa atu afai tatou te ola amiotonu, o le a leai se mea tatou te fefefe ai. Ia valaaulia i latou e talanoaina lenei mataupu ma o latou matua i le fale. Usu le pese “Pe A ia Toe Afio Mai” (TT, 46–47).

**Motugaafa:** *Fuaafua au taimi o fetufaaga ina ia auai uma tamaiti matutua ma tamaiti laiti. Mo se faataitaiga, o le gaioioiga muamua i le vaiaso 3 o le a sili atu le talafeagai mo tamaiti e matutua atu. Fuaafua ni auala e fetuunai ai le gaioioiga lenei mo tamaiti e laiti ifo.*

### Vaiaso 4: E mafai ona ou toe mafuta faatasi ma Iesu Keriso.

**Uunaia le [agaga] malamalama (auai i se gaioioiga faaletino):** A o le'i amataina le Perameri, ia faapipii i lalo o nofoa ni maa-laa pepa ia tusi ai upu nei i luga o maa taitasi: papatisoga, faamauga, tatalo, afiafi faaleaiga, aai ma feinu i le faamanatuga, auai i le lotu, ma le faaipoipoga i le malumalu. Tuu se ata o le lalolagi i se tulimanu o le potu ma se ata o Iesu Keriso i se isi tulimanu. Fai i se tamaitiiti e taumafai e puna atu mai le tasi ata i le isi. Faamalamalama atu e i ai ni laasaga e ao ona tatou uia ina ia tatou toe nonofo faatasi ai ma Iesu ma le Tama Faalelagi. Tuu atu i tamaiti e vaai pe o i ai se maa-laa o faapipii i lalo o o latou nofoa. Valaaulia i latou o loo i ai maa-laa e o mai auuui i luma e faamatala mai, pe mafai faapefea e le faia o gaioioiga o loo tusia i a latou maa ona aumaia i latou e latalata atili atu ai ia Keriso. Tuu le maa-laa i luga o le fola i le va o ata e lua. Ia faaaauu pea seia oo ina faia e maa-laa se auala e sopoia ai le potu. Ia valaaulia se tamaitiiti e savali mai le ata o le lalolagi e agai atu i le ata o le Faaola, ia na o maa-laa lava e pa'i i ai. Ia uunaia tamaiti ia fai i taimi uma le mea sa'o ina ia mafai ai ona latou tumau i le ala e toe foi atu ai e nonofo faatasi ma Iesu Keriso.

**Uunaia le faaogaaga (tusiga ata ma valivali):** Tuu atu i tamaiti e lolomi o latou vae i luga o ni fasipepa eseese ma tusitusi ai pe tusi se ata o se laa se tasi e mafai ona latou faia e toe mafuta faatasi ai ma Iesu Keriso. Tuu atu i le ta piano e tata malie le “O Le a Ou Mulimuli

i le Fuafuaga a le Atua” (TT, 86–87) a o valivali a latou ata. Ia uunaia tamaiti e ave a latou ata i le fale ma fetuafaai atu ai i o latou aiga.



**Kiiki i i mo maa-laa.**

**Motugaafa:** *Ina ia faaali atu lou alofa mo i latou e te aaoaina, ia tuuina atu ni faamalo faamaoni e patino lava i le mea na faia e le tamaitiiti. Mo se faataitaiga, e mafai ona e fai atu, “Faafetai lava mo le faasoaina mai o lau tala e uiga i lou aiga,” nai lo le tuuina atu o se faamalo faalauaitete e pei o le “manaia tele” po o le “faafetai lava.”*

### Gaioioiga Faaletino Anoa

*E aao tamaiti e ala i le aofia ai i ni gaioioiga anoa. I le gaioioiga lenei, e fai e tamaiti laa ua faatusaina i ai mea e mafai ona latou faia e latalata atili atu ai ia Keriso. Mafaufau i auala e faaaoafia ai ni tamaiti se toatele e mafai ai.*



# Auala e Faaaoga ai Musika i le Peraimeri

*O le faamoemoega o musika i le Peraimeri o le, ia aoao atu ai i tamaiti le talalelei a Iesu Keriso. O pese o le Peraimeri e faamanaia atili ai le aoaoina o le talalelei, valaaulia ai le Agaga, ma fatuina ai se siosiomaga faaaloalo ma aoao ai.*

## Faaaoga musika e muai tataina e aumaia ai le faaaloalo ma valaaulia ai le Agaga.

**Motugaafa:** *O musika e mafai ona fesoasoani i le faatoamalietina o tamaiti ma saunia ai e faalogo ma aoao. Mo se faataitaiga, e mafai ona sii i luga ou lima ma fai atu i tamaiti e vaai i ou lima a o latou pepese. Tau atu ia i latou, a o e tuuina i lalo ou lima, e tatau ona latou pepese i leo lemu pe faagesegese foi. Faafetai atu ia i latou mo lo latou faaaloalo.*

O musika e muai tataina e fatuina ai se siosiomaga o le faaaloalo ma fesoasoani ai i tamaiti e sauniuni e aoao i le talalelei. Ia tataina ni musika a o taunuu atu tamaiti [i le Peraimeri].

Ia valaaulia tamaiti e auai i musika e muai tataina e ala i lo latou usuina a o ulufale atu isi tamaiti i totonu o le potu Peraimeri. Mo se faataitaiga, e mafai ona sii i luga lou lima ma

fai atu i tamaiti a matala lou lima ona pepese leo lemu lea, ae a uu lau moto ona latou hamuina lea o le fati o le pese.

Tata se pese o loo aoaoina e tamaiti i le taimi o musika e muai tataina; e fesosoani lea ia faamasani ai i le fati. Ta'u atu le pese, ona hamu lea o le fati mo i latou. Ona fai lea i ai tou te hamuina faatasi le pese.



*O musika e mafai ona tosina i ai tamaiti i le taimi muamua lava latou te taunuu atu ai i le Peraimeri.*

**Motugaafa:** *E le faapea sei iloga o oe o se faimusika atamai pe lelei foi lou leo ona malie ai lea ma anoa pesepesega i le Peraimeri.*

## Faaaoga musika e aoao atu ai mataupu faavae o le talalelei.

Fesoasoani i tamaiti ia malamalama o loo latou aoaoina e le gata o se pese ae o se aoaoga faavae foi o le talalelei (tagai TT, iii). Fai atu ni fesili pe fesoasoani ia latou taulai atu i le mataupu faavae o loo aoao mai i le pese e ala i se gaioiga faigofie e pei o le faitau pe faafia ona latou usuina se upu po o se fasifuaiteu (tagai Fepuari fesoasoaniga mo le taitai musika).

E molimau atu tamaiti a o latou pepese (tagai Ianuari, vaiaso 1). Faamanatu atu i tamaiti e nonofo faasasa'o i luga ma pepese i o latou leo e sili ona mananaia. Faamalo atu i tamaiti ma faafetai atu i ai pe a manuia le latou pepese.



## Faataitai i le Fale

*Ina ia lelei le aoaoina atu o se pese, e tatau lava ona e iloaina le pese. Ia faataitai i le fale a oo loa i le taimi e te aoaoina atu ai i tamaiti, o le a mafai ona e tilotilo atu ia i latou, ae le o lau tusipese.*

## O La'u Fuafuaga mo le Aoaoina Atu o se Pese

Iloa le pese:  
Faataitai, Faataitai,  
Faataitai

Fesili ifo ia te oe lava:

1. E mafai faapefea ona ou faatosinaina mai mafaufau o tamaiti?
2. O a ni fesili e mafai ona ou faia e fesoasoani ai i tamaiti ia malamalama i le savali o le talalelei a le pese?
3. O le a se moli-mau e mafai ona ou tuua i tamaiti o le a faamalolo-sia ai i latou?

## Auala e aoao atu ai se pese

A o e fuafua pe faapefea ona aoao atu se pese, fesili ifo ia te oe lava i fesili nei: E mafai faapefea ona ou faatosinaina mai tamaiti? O a ni fesili e mafai ona ou fesiligia e fesoasoani ai i tamaiti ia malamalama i le savali o le talalelei o loo i le pese? O le a se molimau e mafai ona ou tuua i tamaiti o le a faapea ona faamalolo-sia ai i latou? (Tagai *TT*, 149)

Ia usu i taimi uma i tamaiti upu o se pese fou—ae aua le na o le faitau atu pe na o le taulotoina foi. E fesoasoani lenei faiga i tamaiti e faafesootai ai le fati i upu. E aoao e tamaiti se pese e ala

i le faalogo ma le pepese faafia ai. Latou te le tau faitauina e aoao ai se pese. Mo se faataitaiga, e mafai ona e valaaulia tamaiti e faataitai atu pe a uma ona e tauina upu o le pese. Tago i lou taliga ma tuu atu i tamaiti e faalogologo i se fasifuaiupu puupuu po o se laina a o e pese. Ona e faailo atu lea ia i latou pe a oo i lo latou taimi latou te toe usuina ai lena laina. Usu ni laina se lua i le faiga lenei, ona toe fai lea seia oo ina iloa e tamaiti. Toe fai i isi laina e lua e sosoo ai (ma le isi lua, ma faapena ai lava) seia oo ina latou aoaoina le pese atoa.

## Ia toe faamanatu pese mo le aoaoina ma se taimi malie.

Ia faaafia tamaiti i le filifilia o pese e toe faamanatu. Mo se faataitaiga, tuu atu i tamaiti taitasi se fatu pepa, ma fai i ai e tusi ai o latou igoa ma se pese Peraimeri e sili ona fiafia i ai. Tuu ia fatu i totonu o se koneteina ua faaigoaina “Pese o le

Loto,” ma tuu atu i tamaiti e filifili ni nai pese e usu. Ta’u i tamaiti o pese Peraimeri e mafai ona avea o se punavai o le faamafanafanaga, taitaiga, ma musumusuga, ma e mafai ona tatou usuina e toetoe lava i soo se taimi, ma soo se nofoaga.

## Faaoga musika e faauai ai tamaiti ma faaoga ni taga talafeagai.

O le faiga o taga a o pepese e mafai ona fesoasoani ai i tamaiti e vave maua ai pese. E mafai foi ona faatumauina ai lo latou tosina atu. Ia mautinoa o gaioiga e te faaogaina i pese paia ua talafeagai ai. O taga faigofie a lima mo upu po o fuaitau autu e mafai ona talafeagai mo le toetoe lava o soo se pese (tagai Ianuari fesoasoaniga mo le taitai musika). Mo se faataitaiga, a usu le pese “Le Alofa o Lo’u Faola” (*TT*, 42–43), ia ta’u atu i tamaiti o taimi uma lava latou te usuina ai le upu *alofa* e tatau ona tuu o latou lima i luga o o latou fatu.

O loo i ai ni pese o gaioiga malie i le *Tusipese a Tamaiti*. Ia e maua ai taimi malie, ma o le a faapena foi i tamaiti. Mo se faataitaiga:

- Usu faatasi ma tamaiti le “Ulu, Tauau, Tulivae, ma Tamaivae” (*TT*, 129) i le televave masani, ona lui lea o i latou e taumafai atu a o e usuina faavave teisi le pese.
- Usu le pese “Faamoemoe Latou te Valaau Au i le Misiona” (*TT*, 91). Ia fai atu i tamaiti e laiti ifo e faafoliga o loo latou tietie i se solofanua ma ave atu se Tusi a Mamona i tagata e nonofo mamao. (E mafai foi ona latou faafoliga o loo felele i se vaalele pe tietie i se nofoaafi saalutulu.)



**Motugaafa:** O le faa-aogaina lelei o musika o le a valaaulia ai le Agaga. A uma ona e usuina se pese, ia faamanatu atu i tamaiti a latou lagonaina le alofa ma le filemu, ua fesoasoani atu le Agaga Paia ia latou iloa le upumoni.

# Ou Te Iloa E Alofa Lo'u Faaola Ia Te A'u

Faaaloalo ♩ = 120-132

Upu ma le musika saunia e  
Tami Jeppson Creamer ma Derena Bell

1. Ia - so ua le - va ise nuu  
2. Ua ou iai ile - nei nu - 'u

ma - ta - go - fie, Sa si - o - mia Ie - su e ta - mai - ti  
ma - ta - go - fie, A'o - a'o i a'o - a - 'o - ga a Ie - su

Faa-manu-ia a'o - a'o iloa Lo - na alo - fa. Vaaia loi-mata i Ona fo -  
Ma - tua ma fai - a - oga ta'i - ta'i a - la, Sulu ai ou ala i aso

fo - ga. La - go - na alo - fa o Ia mo ta - mai - ti  
u - ma. Opo i a - ao alo - fa ole Fa - a - o - la,

Oute i - loa Lona a - lo - fa ia a'u. Te le'i pa'i iai, pe no - fo  
Ou la-gona Lona pa'i ma — i Oute muli-muli i Ona ala i a

i O - na va - e, Ae moni lava Ie - su ia te a'u. \_\_\_\_\_  
so u - ma, Ile fale o lo'u Ta - ma i lu - ga. \_\_\_\_\_ O lo'o

soi - fua o Ia! Mu - li

muli male faama - o - ni. Avatu lo'u lo - to

ia te Ia. Ea - lo - fa o Ia ia te a'u. *mp*

E a - lo - fa o Ia ia te a'u. *p*



O LE EKALESIA A  
IESU KERISO  
O LE AU PAIA O ASO  
E GATA AI

Lolomiina e Le Ekalesia a Iesu Keriso o le Au Paia o Aso e Gata Ai

© 2009 Puletaofia e le Intellectual Reserve, Inc. Ua taofia aia tatau uma. Lolomi i le ISA. Faamaonia le faaPeretania: 5/07  
Faailiuga o le 2010 Outline for Sharing Time and the Children's Sacrament Meeting Presentation. Samoan. 04763 890

Faalauloaga mo ata: Faavaa o luma: Alofa Atoatoa, saunia e Del Parson, © Del Parson. Itulau 3: Ioane le Papatiso o loo Papatisoina Iesu, saunia e Harry Anderson, © IRI; Keriso ma Tamaiti o le Tusi a Mamona, saunia e Del Parson, © 1995 Del Parson; O Le Uluai Faaaliga, saunia e Gary Kapp, © Gary Kapp—aua le kopiina.  
Itulau 9: O Manaoga o Lo'u Loto, saunia e Walter Rane, faaalologa a le Falemataaga o Talafaasolopito a le Ekalesia. Itulau 14: Iesu o loo Faamaloloina le Tauaso, saunia e Carl Heinrich Bloch, faaogaina i le faatagaga a le National Historic Museum i Frederiksberg i Hillerod, Tenimaka. Itulau 15: Ioane le Papatiso o loo Papatisoina Iesu, saunia e Harry Anderson, © IRI; Ina O Atu la Outou, saunia e Harry Anderson, © IRI. Itulau 17: Iesu o loo Faamanuiaina le Afafine o Iairo, saunia e Greg K. Olsen, © 1990. Faavaa o tua: I Lalo o Ona Apaau, saunia e Jay Bryant Ward, © 2004 Jay Bryant Ward.

SAMOAN

